

+H

corpus: ReF.RUB

language-area: hessisch

language-region: westmitteldeutsch

language-type: mitteldeutsch

genre: T

medium: Druck

time: 16,1

reference: Seite, Zeile

corpus-sigle: F212, IV-Cc-T2, D

text: Astronomia Teutsch

text-author: -

text-type: RE Realientexte/ Wissenschaftstexte

assignment_quality: Z2

hoffmann_wetter_nr: 81

library: Bayerische Staatsbibliothek

library-shelfmark: Res/2 Astr.u. 7 f

date: 1545

place: Frankfurt am Main

text-place: -

printer: Cyriacus Jacob

edition: keine Edition vorhanden

size: -

language: fnhd

literature: -

notes-transcription: laufende, nicht durchgängige Kolumne (Beginn bei 4. Vor_red., 6. Von zwöelf zeichen., 7. Des himels., 8. Von zwöelf zeichen., 9. Von zwöelf Zeychen., 10. Von zwöelf zeichen., 11. Von zwöelf Zeychen., 12. Von zwöelf zeichen., 13. Des himels., 14. Von zwöelf zeichen., 15. Des himels., 16. Von zwöelf zeichen., 17. Des himels., 18. Von zwöelf zeichen., 19. Der vnbeweglichen \$ternen., 20. Von zwöelf zeichen., 21. Der vnbeweglichen \$ternen., 22. Himeli\$che bilder, 23. Der vnbeweglichen \$ternen., 24. Himeli\$che bilder, 54. Sphere der zwöelf zeichen., 55. Sphere der Planeten#heu\$er., 56. Sphere der Winde, 57. Erklarung der Spheren., 58. Von den ix. Hiemeln., 59. Erklerung der Spheren., 60. Erklarung der Spheren., 61. Erklarung der Spheren., 62. Erklarung der Spheren., 63. Erklarung der Spheren., 64. Von den \$iben fClimata., 65. Von den fClimatis., 66. Erklarunge, 67. Von den Planeten., 68. Erklarung der Spheren., 69. Von den fA\$pecten., 70. Von den fa\$pecten., 106. Von Cometen., 107. Von den Cometen., 108. Von Cometen., 109. Von Cometen., 110. Von den Cometen., 111. Von Cometen., 112. Von Cometen., 113. Von den Cometen., 114. Von den Planeten., 115. Von den Planeten., 116.-129. Von den Planeten., 130. Bedeutung der); auf den Seiten 22, 23 und 55 wurde die komplette Zählung eingefügt; eingetragene Lagenzählung; Kustoden auf: 006, 008, 009, 010, 011, 018, 022, 024, 057, 058, 060, 062, 064, 066, 068, 106, 108, 110, 112, 114, 116, 117, 118, 119, 120, 122, 124, 126, 128, 129; handschriftliche Zusätze auf Druckseite (56,08f.)

abbr_ddd: AstroTeut

extent: FnhdC: -; compl: 001 (6); 003,01-024,29 (8-29); 054,01-070,11 (59-75); Ergänzung: 106,13-115,21; 115,22-130,15 (120-135)

extent-size: FnhdC: -; compl: 21608 (davon Fremdsprachliches: 963)

@H

F212-001,01 Astronomia . Teutsch Astronomei . Von Art / eygenschafft / vnd wirckung . Der xij . Zeychen des Himels . Der vij . Planeten . Der xxxvj . Himelischen Bildern vnd jren Sternen . Von den Spheren des Himels . Bedeutung der finsternus Sonn vnd Mon . Gestalt vnd bedeutung der Cometen . Verenderung des luffts / nach art der Planeten vnd Zeychen . Aspect vnd anblick der vij . Planeten . Exaltation vnd erhoehung eynes Planeten vber den andern 7c Auß den alten hochgelerten der kunst Astronomei gezogen / vnd in eyn kurtze summ gestelt / yetzt new in truck verfertigt . Jtem C . Ptolomei . Von Vffgang vnd Nidergang bedeutung vnd wirckung(in verenderung des luffts durch s gantze Jar alle tag) der Himelischer bilder vnd jrer sternens verteutscht . Mit Keyserlicher freiheytt nit nach zu trucken . Vorrede . ALle werck vnsers Gnedigen Gottes vnd Vat

F212-001,02 ters / günstiger Leser / seind gantz wunderbarlich / vnd alle dem menschen zuo guottem / daß er jn den Schoepffer / seinen gwalt vnnd herrligkeyt in der selbigen erkennen / forechten / jm vertrauen jn veree

F212-001,03 ren / vnd on vnderlas preisen / loben vnd dancksagen solle / erschaf

F212-001,04 fen . Aber vnder allen leiblichen geschoeffen Gottes gwalt vnd weiß

F212-001,05 heyt am nechsten erscheinet / wie Dauid bezeugt . Die himel erzeelen die Ehr Gottes / vnd das

Firmament verkündet seiner hend werck / Was ist menschlicher vernunft wunderbarlichers / alsdaß das Firmament sich on vnterlaß beweget / herumb laufft alles gestirn mit sich herumber füret / Zeit / Tag / Monat vnd Jar vnderscheydet / wermme / kelte / feuchtigkeit vnd truckne / auß ordnung des Schoepf

F212-001,06 fers wircket / Ja es ist kein stern im Himel / der sein verordnets werck von Gott zuo seinem lob / nit mit aller krafft auß richte / Solchs aber / wie vnd wann es beschehe / zum theyl zu erforschen / vnd eynen gemey

F212-001,07 nen verstandt zu erlangen / ist die herliche Edele kunst Astronomia nit wenig dienstlich / welche des Hiemels vnd sternenn lauff vnd inn

F212-001,08 flus leret . In welcher sich auch allerley nationen gelerten vff hoechst vnnd fleysigst / solchs an zu zeygen geübt / vnd bearbeytet haben / Wel

F212-001,09 che Astronomei ins Teutsch zu bringen sich ettliche vnser Voreltern ernstlich befiessen haben / dises aber nit der meinung(wie die vnuer

F212-001,10 stendigen wohnen) das man auff das gestirn an jm selbst sehen / oder dasselb forechten solt / als es ettwas auß jm selbs in die jrdischen coreper würcken oder auß richten moege / Neyn / dann Gott seinen gwalt nit an das gestirn gebunden hat / sonder er selbs wircket durch sie / wie es jm gefellet / zuo trost vnd guotem seinen glaubigen / aber zur straff der bößhaftigen vnd vbertreter seines worts / 7c Viel mehr hat Gott dise kunst / darumb den menschenkindern offenbaret vnd gegeben / vffdas durch erkenntnis vnd anschawung der Himelischen creaturen / Gott selbs / der recht werckmeister / vnd Christus der Herr durch welchen alles erschaffen mit hertzen von jnen gesucht / erfun

F212-001,11 den / erkennt / gefürchtet / geehret vnnd gelobet würde 7c Vnnd wiewol / von diser Astronomei / allerley buechlin zuo teutsch vormals im truck auß gangen / Hat doch kaum eyne(meines geringen ach

F212-001,12 tens) die selbige in teutscher sprach so weit gefüret vnd erkläret / als di

F212-001,13 ses welches mir mein besonder guot freund / Hans Orth von Bacha

F212-001,14 rach / der Astronomei liebhaber / inn eynem seer alten geschriebenen buch / allen teutschen zuo guotem / zu gestellet hat / in welchem du vieler

F212-001,15 ley / vorab von Cometen / vnd anderem vormals im truck zu teutsch nicht mehr gesehen / finden würdest / welches du / guenstiger leser / mit lesen / Gottes grossen gwalt / vnaußsprechliche weiß

F212-001,16 heyt vnnd vnendliche guetigkeit / inn seinen Himelischen wer

F212-001,17 cken / mit lob vnnd danckbarkeit erkennen / mit forcht vnd beserung deines lebens / betrachten vnd gebrauch

F212-001,18 en woeldest / das verleihe dir Christus Jesus vn

F212-001,19 ser Heylandt / Desselbigen Gnaden hiemit befohlen . Von den zwölff zeichen des Himels / vnd warumb sie also genent werden . Das Firmament des Himels ist eyn spher oder kreiß / in welchem sind die sternenn . Vnder demselben kresse ist ein ander Circulus / der heisset Zodiacus / in dem selben Zo

F212-003,01 diaco sind die zwölff zeichen des himels / die haben na

F212-003,02 men nach etlichen thieren / wie sie vff erdtrich vnd im was

F212-003,03 ser sein / Sie haben aber darumb nit die gestalt eines Widders oder ei

F212-003,04 nes Stieres / sonder nach den naturen vnnd eigenschafften der zwölff thiere werden sie also genent / dieweil die eigenschafften vnd wirckungen der zeichen / so die Sonn oder Monat drinnen ist / krefftiglich / wie inn den thieren erfunden würt . Das erst zeichen heist Aries ein Widder / Dann ein Widder ist vast harecht / vnd hat natürliche bewegung zuo vnkeusheit / er schreiet auch gern / Also wenn die Sonne im Wider ist / so keimet das erdtrich / die wurtzeln / die beum / vnd die bletter grunend / die bronnen vnd die was

F212-003,05 ser erwegen sich / vnd die leut sind denn krefftig zuo vnkeuschen dingen / den zuo der zeit wechset die feuchtigkeit des geblüts beinahe in allen tieren . Das ander zeichen heißt Taurus ein Ochs / Dann wie ein Ochs nit bald mued wirt / vnd wenig oder nimmer das trincken in der arbeit nimpt / er ist auch steet vnd starck / Also wenn die Sonne im Stier ist / so ist s vol arbeit / vnd bleibt auch die zeit guot vnd starck / vnd besteht in guotem / denn die leut die garten / das veld / acker vnnd reben arbeiten / aber offtmals nicht viel der frucht vnd weins geniessen . Das dritte zeichen heist Gemini Zwilling / Diß zeichen ist gleich zweien menschen / die bloß sind / vnd gegen einander sehen alle zeit / vnd wenn die Sonne in dem selben zeichen ist / so arbeiten noch tragen die thierier nicht viel / sondern frewen sich / vnnd werden wol gespeiset von den wachsenden fruchten des erdtrichs . Das vierde zeichen heist Cancer ein krebs / Denn wie ein krebs na

F212-003,06 türlich für sich gehet / vnd darnach hinder sich gehet / Also ist es auch / wenn die sonn kompt in diß zeichen / so fehert sie an hinder sich zu gehen / wie sie vor für sich was ordenlich gangen / vnd also thut auch das erdt

F212-003,07 rich mit wachsen . Das fünfft zeichen heißt Leo ein Lew / Denn der Lew im vordern theil des leibs groesser vnd stercker / vnd dick haricht vnd küne ist / Also ist es auch vmb die zeit so die sonn im Lewen ist / denn von anfang di

F212-003,08 ses monats biß zum end / ist grosse hitz vnd werme / die da starck ist tag vnd nacht . Das sechst zeichen heist Virgo Junckfraw / dann wie die magt na

F212-003,09 türlich wolgefellig ist / vnd bewegliches hertzens vnd schwacher sterck / vnd begert leichtlich ein man

zu haben / vnnd zieret sich außwendig on schmach . Also wan die sonn in dem zeichen ist / so ist hübsche zeit / vnd ist vil frucht vff dem veld / korn in den scheuren / keß / woll / honig vnd wachs / aber dise zeit verwandelt sich bald in ein boesers / vnd weret nit lang . Das sibend zeichen heist Libra ein Wag / dan wie ein wag ist gleich schwerbürdig / vnd gibt recht / das die warheit erzeiget / also ist es mit der sonnen / so sie ist in der wagen / so sein tag vnd nacht gleich lang / vnd alles volck begert natürlich das sein ist / vnd regieret / also ist diß zeichen ein mittel der zeit / vnd als dann sein zwei alter des jars vergangen / der lentz vnd der somer / vnd sein noch zwei andere künfftig / der herbst vnd der winter 7c Das acht zeichen heist Scorpion ein Tarant / dann wie Scorio ein boeses thier ist / vnd erschroeckenlich gestalt / vnd ein falsch angesicht hat / vnd zum ersten schmeichelt es / vnd darnach so sticht es / vnd ist gern in dem erdreich vnd in verborgen stetten / also wan die sonn im Scorio ist / wirt die zeit falsch / nu ist s somer dan ist s winter / mit winden / reiff / kelte / vnd regen / vnd die tag kürzten sich / vnd ist dan forchtsam boese zeit . Das neund zeichen heist Sagitarius ein Schütz / dan wie ein schütz haltet seinen bogen / bereit zu schiessen / Also wenn die sonn im schützen ist / so lest sie schedelich schlegin der welt / als kaelte / wind / regen / schne / eiß vnd reiffen / die die leut noetigen in der welt / vnd betrüben den menschen . Das zehend zeichen heiß Capricornus ein Steinbock / Dises ist ein gehürnet vnd gebartet thier / kalter natur vnd trucken / kurtzherig / doe

F212-003,10 recht / vnd gibt milch / Also wen die sonn im Steinbock ist / so ist s mehr kalt dann in keim andern monat / die zeit ist kalt vnd trucken durch die natur / das erdrich ist vnberhafft geschaffen / dazuo das wasser / vnnd das pflanzen der leut ist auch wenig vnd toerecht / vnd arbeiten ein we

F212-003,11 nig / so es warm ist . Das ellfft zeichen heist Aquarius ein Wasserman / den wie der Was

F212-003,12 serman bringet wasser in den eimern vnd spreitet das / also wan die son im wasserman ist / so gibt die zeit schne vnd regen / vnnd die leut gehen gekleidet mit hueten 7c Das zwoelfft zeichen heist Pisces Fische / den wie die fisch sein beweg

F212-003,13 lich alweg im wasser lebend / also wann die sonn in fischen ist / wirt es oft in der zeit feucht / finster vnd regen / vnd das erdrich ist wasserig / vnd das volck wirt treg zu gehen . Oberzelte eigenschafften werden gemeinlich in den menschen vnder disen zeichen geborn erfunden / wenn ein mensch in diser zeichen einem empfangen vnd geborn wirt / so ist er vff des thiers art complexionirt / jetzt zuo disem dan zuo jenem geneigt / Vff daß aber der leser erkantnuß der zwoelff zeichen vnd der xxxvj . bilder / sampt jren eigenschafften hab / vnd drauß vrtheilen koenne die art vnd sitten der menschen / woellen wir sie nach einander erzelen . Von der zwoelff zeichen stern vnd wirckung . Der Widder . Der Widder ist des Planeten Martiße teglich hauh / vnnd hat xx . stern vnd jr disposition vnd schickung ist also / In jeglichem horn ist einer in der stirn einer / in der nasen drei / in den hals zwen / an dem rücken vier / am bauch drei / am end der vier fuße an jeglichem fuße ein / am schwantz ein . Wer aber empfangen oder geborn wirt vnder disem zeichen / der ist natürlich reich vnd vol reichthums / zeitlich guots oder geistlich / vnd nit vil zeitlich / er ist kün vnd keck in seinen wercken / er ist starcker kreffte / vnd etwas weitschweiffig / er ist auch kriegerisch vff vil wege / vnd ist doch in vil wercken weiß vnd sinnreich zu leben / vnd fellet dick von schlahens wegen in schaden / wie dann ein solch thier thut in seiner art / vnd wirt zeitlich vast vnkeusch / vnd hat lust zu sehen vil koenigreich vnd vil frem

F212-003,14 de land / vnd wirt ein grosser schaffner vnd außgeber / vnd ein lieger vnd ein trieger / vnd ein huorenfuere vnd moreder / vnd findet jm viel guotthae

F212-003,15 ter zuo einer zeit / er ist leicht zu gehn / vnnd ist vil weglich / vnd wirt di

F212-003,16 sem thier vast gleich in allen dingen / an naturen vnnd eigenschafften / das soll man verstohn nach den tugendten der theil der gradus des ascendens . Aries hat ein geissen antlitz / vnd hat klein stern in den augen vnd ingeweid / vnnd macht in den augen vnd ohren der menschen siechta

F212-003,17 gen / So der mon ist in dem Widder dem zeichen von Orient / vnnd ein mensch dann geboren wirt / ein solcher ist hitzig vnd Colericus / kue

F212-003,18 bisch / vnnd ist dann guot gegen Orient den weg an fahen zu wandern / vnd in das theil ist guot nach kauffmanschatze faren oder lauffen / vnd wer inn dem theil den wege an fahet zu gehen / dem wirt der wege wol vnd schier erfüllet / es ist guot wircken / was du mit fewer wircken wilt . Es ist guot an den armen lassen / vnd in das bad gehen / vnd als werck das man schier enden wil vnnd nit langwürig / Es ist boeß das haupt weschen / artzneien oder schrepffen mit ventusen / scheren / oder bluot von der nasen lossen / vnnd haußfrawen zuo der Ehe nemen / oder ein burg an fahen zu bawen in ein herschafft / vnd auß dem kercker gehen / Vnd dieweil der widder ein thier ist das wider kawet / so sol man kein artznei nemen / denn nimpt man s / so empfert sie jm wider . Also ist s in allen zeichen die widder kawen / als der Widder / Ochs / vnnd Steinbock / so das zeichen auß gehet von Orient / so gibt es warme zeit . Der Stier . Der Stier ist Venus abenthauß / vnd hat xvij . stern vnd vnnd die im haupt sein / die heissen Hyades in Kriechische / in Latein aber Su

F212-003,19 cule / vnder den erhebet sich die dempff inn dem lufft / etwo werden sie vberwunden / etwo werden sie verkert in wolcken / vnnd darnach in re

F212-003,20 gen . Es sind zwen stern in der stirnen des Ochsen Hyades genant / vnd gehen auß gewaltiglich in der zeit herbstes / Darnach sein in dem hindersten teil des Stiers bei dem arß oder schwantz / heissen Pleiades vff Kriechische / Vergilie zu Latein / vnnd derselben stern sieben die heissen von dem volck die henne mit den hünlin / vnnd die gehen vff in der zeit des Lentzen / vnd erscheinen die gantz nacht / so sie vnder gehen / so würt denn ein anfang

des winters von der vberwindung der zeit / so sie nun an fahen zu scheinen in der zeit des Lentzen / so würt ab geschnit
 F212-003,21 ten der marn / vnd der schiffleut auff dem meer / nachdem als sie denn erscheinen klar vnnd finster
 odder dunckel zeit / das würt erkant durch den wind oder zuokerung / so es klar vnd still zeit ist / das verkündent sie in
 dem meer vnd in dem erdtrich / vnd herwiderumb ob sie finster oder dunckel erscheinen oder nebelecht . Jr ordnung ist
 dise / inn ieglichem horn ein / an der stirnen zwen / an der nasen ein / an jeglichem knwe ein / an dem nagel des rechten
 fuosse zwen / an jeder schultern ein / an dem hals ein / an dem rücken sein drei / vnd der hinderst ist fast groesser
 dann die andern / an der brust ein / an dem bauch ein / an dem ende des schwantzs ein stern . Wer empfangen odder
 geborn würt vnder dem Stier / würt gluecklich / gleich eim Stier vnd lebet alle zeit in grosser arbeyt / des leibs vnd des
 Geysts / er ist stets vil wercken vnd kompt spat zuo grossem reichthumb / Diser wirt mehr keusch dan vnkeusch / vnd
 vnglueckhafft / vnd nimpt boeß verdienst / aber empsi

F212-003,22 ger von den die jm wol thun / vnd findet mehr gnad von den fremb

F212-003,23 den dann von den heymmischen zuo seim nutz . Stier hat den hals vnd kele / vnd was kompt in
 jm zuo siechtagen oder in gebresten / als trusen der nasen / vnnd hufer des rücken oder schmerzen der augen / heylet
 schwerlich . Wenn der Mon im Ochssen ist / welches eyn festes zeichen vnd Mittaeglich ist / kalt vnd trucken / vnd
 Melancolisch / vnd fruchtbar / vnd frewisch / vnd dann so ist es guot frawen nemen / vnd garten machen vnd reben vnd
 beum pflantz

F212-003,24 en / denn sie wachssen gern vnd weren lang / vnd ist guot bürg vnd blei

F212-003,25 bende ding bawen / vnd frawen zuo kirchen füren / alle werck an zu fa

F212-003,26 hen zu streiten / vnd was du wilt bald zu erfüllen / die zeit wirt kalt vnd trucken zeit / die wolcken
 lauffen nahe bei der erden / Wider lauffen durch den lufft oder wasser / vnterweilen seind gemeynglich nebeln . Die
 Zwilling ist Mercurius taeglich haus / vnd h . das zeychen ist zweyer figuren vnnd yegliches ist in . form vnd sie scheinen
 mehr sein blos vnd nackend denn stehn beieinander als zwey menschen die miteynand gehn / vnd hat das eyn eynen
 hacken in der rechten hand das ander schlahen / frech / vnuerschampt / vnd das and

F212-003,27 re in der lincken hand / die erst figur hat ix . stern / jr ordnung ist dise an dem haupt hat es j . der
 ist gar klar / an yeglicher schultern j . gar klar / vnd j . grossen stern an dem rechten elnbogen / an der rechten hant
 j . an yeglichem knie j . an yeglichem fuosse j . das ander zeychen hat x . stern jr schickung wirdt also gezeyget / an
 dem haupt hat es j . grossen der ist klar / vnd zwen grossen an den duetten . j . grossen klaren stern an dem lincken
 elnbogen / vnd hat ij . inn der lincken handt / vnd j . an dem lincken knie / vnd an yedem fusse j . aber bei dem lincken
 fuos stehet einer der heysset Propijs . Wer entpfangen oder geborn wirt vnter disem zeychen / der wirt vast verstendig /
 vnd arbeytet gern / vnd wirt vast weise / hat eyn guot gedechtnus / mit viel reichthumb zeitlichs guots oder der tugent /
 Er ist erbar vnd schamhafft vnd forchtsam / vnd wirt leichtlich bekert zuo boe

F212-003,28 sem vnd zuo guottem / vnd hat mancherley handglück / vnd felet jhm bald viel guotes zuo / vnd
 fleucht auch bald von jm / vnd sein hertz ist al

F212-003,29 le zeit weitzeyfig zuo vil dingen / vnd vnter disem zeichen sol niemant keyn geding bestettigen /
 oder eyn weib zur ehe nemen / noch eyn hauß

F212-003,30 fraw in sein hauß füren / vnnd geschehe es das zwey vff den selbigen tag zusammen kommen / sie
 gewinnen nimer eynder lieb / vnd leben nimmer mit liebe wol . Zwilling hat die achsseln vnd die arme vnd die hende
 / vnd die schul

F212-003,31 tern / Vnd so der Mon im Zwilling ist / in dem zwifaltigen Nider

F212-003,32 genglichen zeychen / das warm feucht vnd lüfftig / freuedig / frech vnd maenlich ist / So ist guot
 freuntschafft machen / guot streit an fahen / es ist boese die arme artzneien / oder naegel an den henden ab schny

F212-003,33 den / oder aderlassen an den armen / den der scherer mus zwirnet schla

F212-003,34 hen / noch dann geht das bluot kaum heraus / vnd vnterweilen wirt es lam an den armen / vnd etwan
 stirbt es . Die zeit gibt warm vnd feucht / vnd macht guot zeit / aber es ist nit guot an fahen zu wandeln / denn der weg
 zwifaltiget sich vnd muß zweymal an gefangen werden / was an ge

F212-003,35 hebt wirt / Es ist aber guot artznei nemen / aber nit an die vor genannten stette darüber das zeychen
 gewalt hat / als die arme / achsseln vnd hen

F212-003,36 de . Der Krebs ist des Mons taeglichs vnd naechtlich hauß / vnd ist das vierde zeychen an dem Himel
 / vnd hat xvij . stern / vnd jr schick

F212-003,37 ung wirt also gezeygt / an dem vierden horn sint ij . an dem andern horn sind auch ij . aber die zwey
 ersten seind groesser vnd klarer / die andern ij seind nimmer schinend / denn sie sind ettwas dunckel / jr namen heist
 Honi bei dem Krebs ist ein stern / wie eyn krypff / welchen die bawren auch also nennen / vnd in dem mund hat er
 eynen grossem klaren ster

F212-003,38 nen / vnd an der rechten seiten / an yeglichem fuosse eynen schoenen kla

F212-003,39 ren stern / vnd hat an yeglichem fuosse j . vnd die sind ettwas dunckel vnd nit lauter / vnd darumb
 heyssen es die vier dunckel stern / es ist auch war das die in den zweyen ersten fuessen zuo der lincken seitten seind
 ettwas klarer dann die andern / vff dem ruecken hat er zwen / vnd hinden am schwantz hat er iij . eyn theyl meyster
 sprechen es seind iij . eyn theyl ij . Wer vnter disem zeychen geborn oder empfangen wirdt / der wirdt glueckhafft vnd

vnglückhafftig / wie der Krebs in allen dingen / vnd wirt alwegen forchtsam sein / kranck / schweigend vnd nit schreiend / vnd hat mancherley gluck in guot / vnd bleibet nit lang bei jm / er wechs

F212-004,01 set in hoffnung / vnd wider wechsset / vnd leidet vil durch verachtung von ander leut sach wegen / vnd thut den frembden mehr vnd ist jhn vil vntertheniger vnd dienstbar / vnd ist heymlicher worrt / vnd ist vil trawriger gedanken . Der Krebs hat die brust / rippen / miltze / vnd die lunge / so der mon im Krebs ist / das eyn Mitternaechtlich zeychen ist / kalt feuchte / vnd wessericht vnd flegmattisch / vnd ist guot wandeln gegen Mittnacht / es ist guot kauffen vnd zu uerkauffen / es ist guot an fahen zuo streiten / vnd also alle ding seind guot die man mit wasser wircken wil / als malen / fischen / vnd wasser zu leyttten / es ist aller best artzney zu nemen denn es ist der Mon in seim hauß vnd frewet sich / das ist / das viel feuchtig

F212-004,02 keyt vberfluessig ist / es ist guot al ding zu thun die bald zu ende begeren / es ist aber boeß die bruest artzeneien / vnd eyn hauß zu zimmern / in eyn new hauß gehn oder besitzen / oder jm fewer wircken / die zeit gibt feucht vnd kalt / vnnd dises beschicht wann diß zeychen vff geht von Orient . Der Lew ist der Sonnen naechtlich hauß vnd ist das iij . zeychen des himels vnd hat xix . sternen / jhr schickung wirt also gesagt an dem haupt hat er iij . sternen die vast scheinen / sind iij . an dem halse / ij . an der brust / der eyn ist vast klare / vnd des name heysset Tyberoni vff dem rückgrad sind an dem end des schwantzes j grossen vnd klaren / vnder der bruste ij . an dem rechten fuosse des vordern beynnes j . klaren vnd wol scheinenden / vnd mitten an dem buch ettwas mehr wider die dich ij . an den schultern j . wol scheinenden vnd mitten an dem schwantze j . an dem rechten fuoß hinden j . an dem hindersten knie des lincken beyns j . vnder dem haupt seins zagels j . vor dem mund j . wissen klaren vnd schoenen / des nam ist Hundt / vnd heysset darumb Hundt / denn der selbig stern hat die natur vnd die eygenschafft eyns Hundts . Wer do empfangen oder geborn wirt vnder m Lewen in seiner zeit / der wirt gluckhafftig hat gleiche gluck vnd vnglueck / des Lewen inn allem vnd darumb ist es zu sagen wo er nit stirbet so koempt er an gros

F212-004,03 se ehre vnd regirung / er wirt gedürstig vnd milt / reyn vnd stette im ge

F212-004,04 müte / er begert vil dings / er ist starck vnd leicht zu springen / vnd zu gehn in eyn Camyn / welchs guot lang weret in seim gewalt / er ist weiß vnd sinnreich / vast sittig . Der Lew hat das obertheyl des magens / vnd das hertz / die seiten den rücken vnd was gebresten in jnen wirt / so der Mon im Lewen ist / das eyn starcks zeychen vnd Vffgenglich / heyß vnd trucken Cole

F212-004,05 rischer art / vnd maenlich ist / dann so ist guot reden von Künigen vnd von gewalt vnnd alles das man mit füre wircken wil das ist guot / vnd alle ding die sich nit enden sollen / on allein die ich hie wil auß ne

F212-004,06 men / es ist guot setzen heuser vnnd vesten oder in heuser zu gehn / kauf

F212-004,07 fen vnd wechseln gelt vnd tuch / mit geler farben / es ist boeß lange we

F212-004,08 ge an fahen zuo gehen / vnd wandeln / vnd weiberkleyder an zu schnei

F212-004,09 den oder an zu thun / wann er wirt darinn siech oder geht jn vnglueck an / es ist boese artzenei nemen oder tranck / wann es muß wider auß ge

F212-005,01 spieken werden mit bluote / es ist boese die leber vnd das hertze artzenei

F212-005,02 en vnd alle ding die inwendig seind / So das zeychen vff geht von Ori

F212-005,03 ente / so gibt es warm vnd trucken zeit / so aber der Mon geht durch des Lewen flantos so wirt es ettwan regen vnd nebelicht sein . Die Junckfraw ist Mercurius naechtlich hauß / vnd ist das sechste zeichen des himels / vnd hat neunzehn sternen / jr schickung würt also gesagt / An dem haupt hat er ein seer finstern / des name ist Poenoch / an jeglicher achseln ein grossen klaren / oben an jedem fettich zwen die sind nahe beieinander / deren sind drei klein vnd finster / vnd der vierde ist etwas groesser / vnd der stern der do ist an dem rechten fettich bei der achsel / des namen ist protrygitir / An jedem elnbogen ein die sein klein / vnnd der ist viel scheinend vnd klar / in der rechten hand ein klaren vnd grossen / des name heist Spicci / darumb das sein hand ist vol spitzer aehern gestalt von korn / vnnd jr tugent ist in fliessende / einsigliche / vnd loebliche / vnd darumb wer vnder jme empfangen oder geborn wirt / der leidet nimmer armut / in der rechten hand hat er ein kleinen finstern / an dem rock ob den knuewen sechs kleine vnnd finstern / an jedem fuoß ein sternen . Wer empfangen oder geborn würt vnder disem zeichen / würt glück

F212-005,04 hafft vnd vnglückhafft wie ein junckfraw in allen dingen / darumb zu sagen ist / daß diser mensch natürlich muß sein schamhafft vnd forcht

F212-005,05 sam / vnd gemeinlich kranck / erbar vnd rein / vnd würt leichtiglich be

F212-005,06 kert zuo jeder seit / vnnd gleubt bald was man jm sagt / vnnd sicht gern schimpff treiben / vnd lernt außwendig vil dings / vnd sicht gern koenig

F212-005,07 reich vnd frembde land / darumb daß er auch künne daruon sagen / er traurt viel für ander leut armut / er ist guot / vnd gerüwig / vnd demütig in seinen wercken . Die Junckfraw hat den bauch vnnd was an den stetten heimlichs ist / als das ingeweide / vnd was darumb ist . So der mon in der Junck

F212-005,08 frawen ist / das do ein zwifaltig lieblich zeichen vnd mittaeglich ist / da zu kalt vnd trucken / melancolisch / weibisch . Es ist guot beum setzen / gar

F212-005,09 ten vnd reben pflantzen / vnnd was man mit erden thun sol / wie in eim jeglichen zeichen das gemein ist / als Junckfraw / Schutz vnnd Fisch . Vnd dann ist guot wircken alles das sich zwifeltigen wil / Es ist boeß ein junckfraw zur Ehe nemen / dann sie würt vnberhafft / vnnd gewinnet wenig süne noch kind / Es ist aber guot ein witwe

zu der Ehe nemen . Es ist boeß wandern gegen mitternacht / vnd zu wercken das man mit fewer wercken wil / vnd inwendig artzneien nemen / Es gibt kalt vnnd trocken zeit vnd wind bei der erden / vnd die wolcken lauffen hin vnnd wider / etwo on wasser etwo mit wenig wasser durch den lufft . Die Wag . Die Wag ist Venus naechtlich hauß / vnd ist das sibend zeichen / vnd hat siben sternem / jr schickung ist also / oben an der wagen sein drei / die sein nit ver von einander / ordenlich als ein rechter weg / vnd der hoehest ist kleiner dan die andern alle / aber er ist mehr scheint / vnd weisser in der farb dann die andern / an jeglichem end der wagen ist einer / der ge

F212-005,10 meinlich scheint vnd grosse sind in den zweien geschirren der wagen / in jeglichem theil einer . Wer empfangen oder geborn wirt vnder disem zeichen / der hat natürlich glück vnd vnglück / von jeglichem gleich vil als ein gewicht in der wagen / der selbig mensch wirt ein buoler natürlich vnd geneußt der tugent vnd liebe / vnd thut sich boßheit bald ab / vnnd thut jr bald beider nit / er ist gemeinlich guot vnd gerecht / geruowig vnnd rein / ehrlich vnd demütig . So der mon ist in Libra in dem nider gen

F212-005,11 den zeichen / das auch feucht / lüfftig / sanguinisch vnd maenlich ist / so ist guot gegen occident wandern / vnd in das land zu keuffen vnd verkeuffen / vnd lassen / vnd alle ding thun die bald ein end begeren / ohn die ich auß nemen wil / Es ist boeß artzneien den arß vnd die blase / die nieren / vnd alle ding die mit erden oder von der erden sollen volbracht werden / vnd die nit bald ein end sollen han / Es gibt warm vnd feuchte zeit vnd grew

F212-005,12 lich wind / vnd dann ist guot wandern / vnd dises sol auch von den vor ge

F212-005,13 schribnen zeichen / so das zeichen mit der sonnen auff gehet / verstanden werden . Scorpion . Scorpion ist Martis taeglich hauß / vnd ist das acht zeichen des hi

F212-005,14 mels / vnd hat xij . sternem / jr schickung ist also / an jeglichem horn sein ij . die zwen ersten sein gantz klar / die andern zwen sein etwas dunckel / an der stirnen hat er zwen / in dem mund ein / auff dem rücken drei gar klarer sternem / an dem bauch zwen . Wer empfangen oder geborn wirt vnder dem zeichen / der ist natür

F212-005,15 lich glücklich vnd vnglücklich / gleich wie der Scorpion in allen / vnd ist auch natürlich forchtsam / schweige gern / vnnd ist ein hurnfü

F212-005,16 rer / vnd ein boeß vbelthetiger mensch oder reuber / vngetrewe vnd geitzig vnd ist tückisch in seinen dingen . Scorpion hat gewalt vber die schame / hoden / arß / vnnd die blase / vber das marck vnd jr siechtigen / gebresten vnd außflüß von jnen . So der mon im Scorpion ist / das do ein stetes vnd mitternachtlich kalt vnd feucht / vnd wasserecht / vnd flegmatisch / vnd weibisch zeichen ist / so ist nichts guot an zu fahen / dan der mon in dann ist seiner wirckung vnd fortun / es ist aber guot artznei nemen / aber nit fahe an zu gehen inn andere land / noch beum noch berg auff zu steigen / auch gehe in kein schif . du solt die scham nit artzneien / so das zeichen mit der sonn auff gehet . Sagittarius . Der Schütz ist Jupiters naechtlich hauß / vnd ist das neund zeichen des himels / vnd hat xxij . sternem / jr schickung ist dise / An dem haupt hat er ij . vnd in der hand ij . an dem pfeil ij vorn an bei dem eisen / an dem rechten elnbogen j . an der rechten hand ein / an dem bauch des thieres ein / an dem rückgrad vnder dem waedel ij . an jedem knwe vorn an j . vnd vnder den beinen vij . die kron genent / zuo oberst an dem pfeil einen wol

F212-005,17 scheinenden / an den federn ij . Wer vnder dem zeichen empfangen oder geborn würt / der hat natür

F212-005,18 lich gluck vnd vngluck in allem / wie der Schutz / vnd wirt natürlich jm leicht zu gehen . Er ist starck in seinen wercken / zum ersten forecht er sich darnach ist er gedurstig / er ist danckbar / vnd vberwindt vil / vnd bewert vil / er ist vnkeusch / er ist reich / vnd das volck hat jn lieb / vnd hat vil ehr . Der schutz hat die gleiche vnd das obertheil der schenckel / So der mon ist im Schützen / das ein zwifaltigs zeichen vnd mittaeglich warm trucken / colerisch vnd maenlich ist / dann ist guot freuntschaft vnd ver

F212-005,19 trag machen lassen / ein Ehe machen / aber die fraw wirt nit fruchtbar an sünen oder knaben / es ist guot baden / gegen vffgang ist guot gehen / vnd in kein ander land gehn zu keuffen oder verkeuffen / vnd alles an zu fahen das man mit fewer wircken wil / es ist guot gelt wechseln / vnd an fahen zu streitten / es ist boeß thun die ding die man mit wasser oder mit erden muß volbringen / als beum pflantzen / aecker ehren / artzneien die diech / diß zeichen gibt warm vnd trucken zeit . Der Steinbock . Der Steinbock ist Saturnus naechlich hauß / vnd ist das x . zeichen an dem himel / vnd hat xxvij . sternem / jr schickung ist dise / an jeglichem horn oben ij . vnd ij . an der nasen die sind groß vnd klar / an dem haupt ij . vnder dem halß ein / der ist groß vnd klar / an dem rechten fuoß vorn ij . die sein vberinander / vnd zu aller niderst an dem selben fuoß vorn an dem schuhelm auch ein / vff dem rückgrad vij . vnden an dem bauch v . vnd bei dem schwantz ein / vnd zu aller oberst an dem schwantz ij . Wer empfangen oder geborn wirt vnder disem zeichen / der hat glück vnd vnglück von jeglichem gleich viel wie ein geiß / doch ist diser natür

F212-005,20 lich mehr vnglückhaft dan glücklich / einfaltig / mehr arm dan reich vnd was man jm dient oder thut das ist jm kein danck / er forecht vbel / so man jm drawet . Steinbock hat die knwe vnd ander glider der knwe vnd jr sichtagen / so der mon ist im Steinbock in dem mittaeglichen zeichen / das kalt vnd trucken / melancolisch / weibisch vnd jrdisch ist / so ist es guot garten seen / weinreben pflantzen / es ist guot den weg an fahen vnd gehen gegen mit

F212-005,21 tag / auch verkauffen vnd kauffen / vnnd alle ding die bald sollen erfüllt werden / on allein dise werden auß genomen / es ist boeß zu wandern gegen mittnacht vnd thun die ding die mit fewr gewirckt werden / es ist nit guot lassen noch tranck nemen / noch die knwe artzneien / vnd gibt kalt vnnd trocken zeit / vnd der wind ist nahe bei der erden / vnd die wolcken durchlauf

F212-005,22 fen den lufft mit wasser / vnd ist gwoenlich dicker nebel vnd dunckel zeit . Aquarius . Der Wasserman

ist Saturnus naechtlich hauß / vnnd ist das eilfft zeichen des himels / vnnd hat xiiij . sternen / jr schickung ist also / an dem haupt hat er ij . die sein dunckel / an jeder achsel ein grossen / an dem rech

F212-005,23 ten elnbogen ein kleinen / an dem lincken elnbogen ein fast grossen vnd klaren / an jeder hand ein / an jeder bruest ein / an dem rechten bein oben bei der macht ein / an jedem knwe ein / an der rechten knwscheiben ein / an jedem fuoß ein . Wer empfangen oder geborn würt vnder disem zeichen / der hat na

F212-005,24 türlich gluck vnd vngluck gleich vil in allen dingen wie der wasserman vnd diser ist mehr vngluckhafft dann gluckhafft / vnd er leidet offt ar

F212-005,25 mut vnd ist trawrig . Der wasserman hat die schinbein biß an die knoden bei der versen vnd jre glider vnd adern / auch jr siechtagen . So der mon ist im wasser

F212-005,26 mon / das ein festes zeichen vnd nidergenglich / warm vnd feucht / luff

F212-005,27 tig / sanguinisch vnnd manlich zeichen ist / so ist guot ein hauß an fahen zu bawen / ein haußfrawen nemen zuo der ehe vnd sie zu hauß fueren / vnd ist guot lassen / vnd guot zu thun das du wilt langwirig han / es ist boeß die bein artzneien vnd verre wandern / vnd was snel sol geendt werden / die zeit gibt woerme vnd feuchte / vnd macht guot wind . Pisces . Die Fisch ist Jupiters naechtlich hauß / vnd hat xxxix . sternen / jr schickung ist also / Der fisch der do sicht gegen mittag / der hat zwölff sternen in seim vndergang / der ander fisch der do sicht gegen mitter

F212-005,28 nacht / der hat xv . sternen in seim vmbgang oder kreiß / vnd das seil oder schnur das von eim fisch zum andern gehet / hat xij . sternen / vnd sein iij . gegen mitnacht vnd iij . gegen mittag / iij . gegen vffgang / vnd iij . gegen nidergang / das ist bei dem mitteln theil der schnuren . Wer vnder disem zeichen geborn oder empfangen wirt / der hat glück vnd vnglück von jeglichem gleich vil nach disem zeichen der fisch / diser wirt natürlich weitschweiffig / weglich / guot / milt vnd friedsam / vnnd redet wenig / er ist krancker naturen in seiner sterck / er ist vnderthenig vnd forchtsam vnd erbars lebens / vnnd ist danckbar gegen vil leuten / aber lügenhafftig / vnd hat offt glück . Die Fisch haben die fuesse / derselbigen adern / vnnd jr sichtagen / als das gesuecht in den fuessen / Wan der mon ist in den Fischen / das ein zwi

F212-005,29 faltig zeichen ist / mitternaechtlich / kalt vnd feucht / wasserig / flegma

F212-005,30 tisch / weibisch / so ist guot ein haußfraw nemen vnd freuntschafft mach

F212-005,31 en / müntzen vnd silber wechseln / vnnd waffen machen / vnnd alles das man mit dem wasser volbringen wil / als malen / wasserleyten / vnd vff dem wasser faren gegen mitternacht / vnd ist guot tranck nemen / vnd kauf

F212-005,32 fen vnd verkauffen / vnd was sich zweien sol / es ist boeß die fueß vnnd al

F212-005,33 les das darbei ist artzneien / vnnd was mit fewer volbracht sol werden / es gibt wasserecht vnd feuchte kalte zeit . Contrafactur vnd abbildung der himilischen Corepel / mit den vnbeweglichen sternen . Jmagine / himelische bilder . Diser bilder sein xxxvj . gegen mitnacht / diser heisset eins der klein Beer / gestreckt vnder des Trachen schwantz / das ander gegen mittag Vrsa Maior der groß Beer / hat sich gestreckt gegen dem haupt des Trachen / das dritte ist der Trach in dem Widder / ist fast bleibend vnd gedürstig . Das vierde ist Hercules im Schützen / vnd ist etwas jm fast nahe . Das v . ist die Kron in der Junckfrawen / das vj . ist Serpentari

F212-005,34 us im Scorpion bei dem mittel / das vij . ist Boetes in der Junckfraw biß zum mittel der wag / das viij . ist Ophiochus oder Agitator bei dem ende des Stiers vnd dem anfang des zwilling / des pferdes im krebs / vnd etwas im Lewen bei dem anfang . Das ix . ist Cephus im Wasser

F212-005,35 man bei dem anfang / das x . ist Cassiopeia zu allerhinderst im Fisch vnd Arione / das xj . ist Pegasus / das ist das obenpferd im Steinbock / das xij . ist Andromeda in dem ersten fisch des zeichens des Fisch gegen dem Wasserman / das xiiij . ist Perseus bei dem mittel des Wiidders / vnd durch das gantz haupt des Ochsen / das xiiij . ist Dreispitz vnder den fischen vnd dem Wider / das xv . ist Clota am end des Stiers / das xvj . ist Lira im haupt des Steinbocks / das xvij . ist der Schwan im hindern theil des Steinbocks vnd ersten theil des Wassermans / das xvij . ist der fliegend Habich im Schützen vnd Steinbock / Wider vnd Fischen / das xx . ist Ce

F212-005,36 tus gestreckt vnder dem Wasserman vnd Steinbock / das xxj . ist Eri

F212-005,37 danus oder Nillus im Wasserman vnd Fischen / das xxij ist Delphinus vnder den Schützen vnd Steinbock / das xxiiij . ist Orion vnder m Widder vnd Stier / das xxiiij . ist Canis das ist Syrion zwischen dem krebs vnd Lewen das xxv . ist Lepus der Haß / zwischen dem Stier vnd Zwi

F212-005,38 ling / das xxvj . ist Argo das Schiff / zwischen dem krebs vnd Lewen / das xxvij . ist Astronothus im Scorpion / das xxviij . ist Demon meri

F212-005,39 dianus / ist mehr im Krebs dan im Steinbock / vnd teilt den himel durch die mittel / das xxix ist der groß fisch zwischen den Wassenman vnd Fisch / das xxx . ist Puteus der ist in der tieff des schwantzs des Scorpions / das xxxj . ist Centaurus am end der Wag vnd im anfang des Scorpions / das xxxij . ist Hidra beim mittel des Lewen / durch die gantz Junckfra vnd das erst halbteil der wag / das xxxiiij . ist Canis minor der klein hund ist zwischen dem Steinb . vnd Wasserm . der mit eim andern namen heißt Anticanis oder thion / das xxxiiij equus secundus das ander pferd / ist zwischen dem Zwilling vnd Krebs / das xxxv . ist Cerabellun der negeber ist am schwantz des Schützen vnd am schwantz des Steinbocks / das xxxvj . ist Vexillum ein fan / ist ein theil im Lewen vnd ein theil in der Junckfrawen / bei dem anfang der Junckfrawen . Von den vnbeweglichen sternen vnd jren eigenschafften . Daß nun ein jeglicher leser

hab die kunst vnd kuntschafft der xxxvj . zeichen oder bilder oder figuren / im himel oder vff erdtrich / auß zu ziehen ein iudicium in den dingen / durch ein exempel vnd ware gleichnuß zuo di

F212-005,40 sem gegenwertigen an diser stat / so legen wir durch figuren die xxxvj . imagines / das sind bilder oder figuren / wie sre dann in dem himel zer

F212-006,01 theilt seind . Der groß Beer . Vrsa maior der groß Beer / ist ein figur oder imago des himels / vnd ist dem heupt des Trachen nahe / diser Beer heißt etwan Arcturus / vnd hat vil sternen / vnder den sein xxiiij . die man sicht / jr schickung ist also / an dem haupt hat er vij . die machen einen karch / vnd spricht man daß iiij . sternen sein für die vier reder / vnd ij . sternen für die rinder / vnnd ein sternen für die tischel / an jeder achseln hat er ein kleinen vnd etwas dun

F212-006,02 ckel / an jeder schultern ij . an der brust j . an dem rechten fuß vornen ij . die scheinen vast vnd sein klar / vnd zu oberst an dem schwantz ein klaren / an dem bauch j . am ruckgrad j . an der hindersten knüescheiben ij . zu oberst an dem fuoß ij . oben am schwantz iij klein / die sein wider den fuoß hinab . Wer vnder dem grossen Beren empfangen oder geborn wirt / wo er nit stirbt / so wirt er groß vnd mechtig in der welt / vnd wirt vber vil leut herschen / vnd wirt zuo jm ein groß zuolauff / daß vil leut groß hoffnung vnd getrawen han zuo jm / vnd zeucht ein guot leben lang in der welt / vnd hat vil gnad ehr vnd wirdickeit in grossem friden . Der klein Beer . Vrsa minor der klein Beer ist ein figur oder imago des himels / der nahe ist den schwantz des Trachen / vnd ist vmbwunden mit dem schwantz des Trachen / disem sternen werden vil namen gegeben / vnd ist solcher tugent / daß er zeigt den schiffleuten vff dem meer den weg / dann mit seim rath vnd mit seim füren / gehen vnd komen die schiff zu land / vnd werden meisterlich gubernirt / diser klein Beer vnd der ander der groesser ist / wirt eigentlich genant etwo Arctura / etwo Arctophilax / etwo elix / etwo polus arcticus / vnd in jm selbs hat er vil sternen / sein schickung ist dise / an der achseln hat er ein sternen der ist gar klar vnd lauter / an dem bauch j . am rückgrad j . an der brust ein / vnd die iiij . sternen machen den karch oder wagen / vber dem schwantz sein ij . vnd stehet ein wenig von disen zweien / vnd die ij . stern sein für ij . rinder / vnd der drit für die tischel . Wer empfangen oder geborn wirt vnder dem kleinen Beern / der wirt groß werden in der welt / daß er mag sein weltlich oder geistlich / vnnd alles sein geschlecht geneußt seiner reichthumb . Der Trach im Widder als im Scorpion . Draco der Trach ist ein bild des himels / vnd hat xv . sternen / jr schick

F212-006,03 ung wirt also gesetzt / in der stirnen hat er drei sternen / als ein weg ist / vnd die sein klein / vnd der andern sternen sein xij . vnd die sein gleich groß vnd weit / vnd die sternen steen etwas von einander . Wer empfangen oder geborn wirt vnder disem zeichen Draco / der wirt ein boeser mensch von natur / vnd ein solcher wirt vngetrew vnd ein hurenfuerer / vnd ist gedürftig vnd schimplich / vnd kriegier gern / vnd ist lügenhaftig / vnd wirt gern zornig vnd vnwürsch / vnd leuet gar leich

F212-006,04 tiglich / vnd ist ein sammeler korns / ein dieb vnd moreder / vnd ist weiß vnd guoter sinn / vnd ist weitschweiffig ein zeit / vnd ist mehr arm dan reich . Hercules oder Eugonasin im Schuetzen . Jch bin kuen / vnkeusch / starck / Mein hertz begert des reichthumbs manig marck . Mein kind sich mit armut benugen lassen / Vnd froelich sein sre auff der strassen . Hercules ist ein imago des himels / vnd hat xxij . sternen / jr schickung ist also / gleich bei dem baum der gülden oepffel treit / an dem haupt hat er ein stern / der scheinet seer fast / an jeglicher achseln j . der wol scheint / an dem lincken elnbogen ein / an der lincken hand j . an der rechten hand ein / an der lincken hufft ein / an der rechten hufft ij . an dem rechten diech ij . an dem rechten knwe ein / an dem rechten schinbein ein / an dem rechten fuoß ein / am lincken schinbein ij . an dem lincken fuoß ein / an des lewen stirn ein grossen vnd vast scheinend / an dem hals vnnd har des lewen vier / an dem schwert ein . Wer vnder disem zeichen geborn oder empfangen wirt / der wirt von natur gedurstig / starck vnd vnkeusch / mehr arm dann reich / vnd scha

F212-006,05 det ein andern gar leichtlich / er ist danckbar / er vberwindt viel / sein hertz begert vil dings zu thun / er wirt weitscheiffig / vnd ist darzu vnstet . Die Kron in der Junckfrawen vnd Wag . Corona ist ein figur des himels / vnd hat ix . sternen in seim gantzen vmbkreiß / jr schickung ist also / gleich vnden an der kron ist ein viereck

F212-006,06 ichter edelstein / darin ist ein stern / vnd die andern stern vmb vnd vmb zieren die krone . Wer vnder disem zeichen geborn oder empfangen wirt / der wirt von natur bleich vnder dem antlitz vnd an dem leib / vnd rein mit seinen klei

F212-006,07 dern vnd ehrlich / vnd wirt reich on vil grosses guot / vnd wirt han vil se

F212-006,08 ligs leben / zu seiner ehren vnd zuo seiner wirdigkeit wirt er auch komen / vnd viel leut haben jn lieb . Serpentarius im Scorpion . Serpentarius ist mir der nam gegeben . Meine kind mit forchten in ar

F212-006,09 mut leben . Von vergifft sie auch sterben / Oder von eim vergiftigen wurm verder

F212-006,10 ben . Serpentarius oder Ophiuchus ist ein bild des himels / etlich nennen es Asclepius / vnd hat xvij . sternen / vnd die schlang vmb den menschen hat xix . jr schickung ist also / An dem man Serpentario an dem haupt hat er ein grossen stern / vnd der ist klar vnd etwas fast groß / an jeglicher achsel ein / an der lincken hand iij . an der rechten hand sind iiij . vnd sein ii . vnder den vier die groesser vnd mehr scheinende dann die andern zwen / an jeder seiten bei der macht ein kleinen / an dem rechten schinbein ein grossen vnd wolscheinend / an jedem fuoß ein kleinen / die zwen sind aber klar . Das bild der schlangen hat xxv . sternen / jr schickung ist also / in dem mund hat der schlang ein / vnd gleich in den naßloechern ein / an der ersten krümb vier / an dem andern faltz sind acht / an dem dritten faltz sechs / gond als ein circkel oder ein vmbgang an dem vierden faltz / biß an das ende des schwantzes sind fünff . Boetes oder

Arcturus in der Junckfraw vnd Wag . Boetes oder Arcturus ist ein bild des himels / vnd hat xxj . sternen / jr schickung ist also / an jeder achseln j . an der rechten hand iiij . an jeglich

F212-006,11 em düttin j . kleinen vnd etwas dunckel / an dem rechten elnbogen j . etwas klar / vnder jeglichem knwe j . der ist gar groß vnnd klar / an jedem fuoß j . an der sicheln iiij . in der rechten hand / an dem spieß oder lantz in der linck hand iij . einen mitten vnd die andern ij . jeglicher an eim end der lantze oder des spieß . Wer empfangen oder geborn wirt vnder disem zeichen / der lebt alwe

F212-006,12 gen in arbeit / vnd mehr in armut dan in reichthumb / vnd thut nichts anders dann beurisch ding / vnnd wirckt aermlich in seinen wercken . Der Wagenman im Stier vnd Zwilling . Agitator bin ich ge

F212-006,13 heissen / Jn gemechlichem leben han ich ver

F212-006,14 driessen . Mein Kind arbeiten vnd neren sich mit dem pfluog / Essen vnd trincken han sie nit gnuog . Agitator der Furman / ist ein bild des himels / hat dreizehen sternen / jr schickung ist also / An dem haupt hat er ein / an jeder achsel ein / aber der in der lincken achseln ist groesser vnd mehr scheinender / vnnd heisset Capra / in der rechten hand ein / vnd in der lincken hand ein / an jedem knwe ein / an dem mund des ersten pferds ein / an den oren des andern pferds ein / an dem schopff des rechten rindes ein / an dem rechten fuoß des ersten pferds ein / an dem rechten fuoß des andern stiers ein . Wer vnder disem zeichen empfangen oder geborn wirt / der thut al

F212-006,15 wege gern wie die bawrn in den doreffern mit arbeiten seine gantze zeit / rinder vnd holtz vnd den pflug zu füren / vnnd lebt alwegen mehr in ar

F212-006,16 beiten dann in ruwe / vnnd ist mehr arm dann reich / er bekompt meher guots in der jugent dan im alter / aber er wirt reich werden so er alt wirt . Cepheus in dem Wasserman als im Stier . Cepheus ist der name mein / Meine kind in reichthumb hand den schein . Jn arbeit ist jr leben / Nach grossen ehren sie nit streben . Vil sachen sie sich nicht nemen an / Dauon sie gern müssig gan . Cepheus ist ein bild des himels / vnd hat vil sternen / vnder denen sind Jr schickung also / an dem haupt hat er zwen / vil groß vnd fast scheinen

F212-006,17 de / an jeder achseln ein / an jedem elnbogen ein kleinen vnnd dunckeln / an jeder hand ein klaren / an dem gürtel drei / an dem riemen da das schwert an hangt sind sieben / an dem rechten diech ein / an dem lincken knwe zwen / an dem rechten fuoß zwen / an dem lincken fuoß drei / einer ist in dem selben punten desselben fusses / die andern zwen sind etwas ferr von jme . Wer empfangen oder geborn wirt in disem zeichen / der wirt alwegen sein mehr reich dan arm / vnd hat viel guots / vnd lebt mehr in ruwen dann in arbeiten / er kumpt aber nimmer zuo ehren oder wür

F212-006,18 digkeit oder regierung / dann do man wol trincket / isset / vnnd muessig gehet vnd vnkeuschet . Sphere der zwoelff zeichen / vnd jrer Natur . Diß Spher / zeigt wie die zeichen auch nach einan

F212-006,19 der gehen / vnd wie jhr natürliche art ist / vnd zeigt die vier oretter Vffgang vnd Nidergang / Mittag vnd Nord / vnd welches do sind des tags Bogen vnd welches der nacht / welches zuo der rechten seiten / vnd welches zuo der lincken seiten . Charackter vnd figuren der aspecten . Oppos-tz . Hat 6 . zeichen . Coniunctz . Jn eim zeichen . Getritter . Hat rum . zeichen . Geurter . Hat et . zeichen . Gesechster . Hat 2 . zeichen . Diß Sphera zeigt / wie die zeichen einander an se

F212-006,20 hen wan zwen Planeten oder mehr bei einander seind / das heisset Con

F212-006,21 iunctio / So sie in eim zeichen vnd gradu sein / wennn ein Planet ist in eim gradu eins zeichens / vnd ein ander Planet in eim solchen gradus des siebenden zeichens / die heisset widerstellig / oppositio / oder ge

F212-006,22 genschein . Charactern vnd figuren der Planeten . Saturnus . Jupiter . Mars . Sonn . Venus . Mercurius . Mon . Caracter der xij . Zeichen . Widder . Stier . Zwilling . Krebs . Lew . Jungfraw . Wage . Scorpion . Schuetz . Steinbock . Wasserman . Fisch . Von den vier Winden vnd jrer zwoelff Ecken . Diß Spher der Wind / zeigt an wenn Mars re

F212-006,23 giert das denn Wind vnd wolcken kommen von mitag / So aber Ju

F212-006,24 piter regiert / so kommen sie von dem Nord / vnd so Saturnus regiert so kommen sie von Ost / Nord Ost / vnd von Nord / Nord Ost / vnd also fuerbas . Von den vier Winden vnd ihrer zwölff Ecken . Catharina Barbara Ridtenbüeberin . Erklarung der Spheren / vnd circel des Hiemels . Es sind ix . Himmel vberinander / die al beweglich seind vnd taeglich lauffen vmb das Erdtrich / Ven vber den ix . Himmel ist der x . Himmel / der stil ist vnd vnbeweglich vnd heisset Celum cristallinum das ist der cri

F212-006,25 stallen Himmel / oder heisset Celum Empirreun / das ist der fürin himel / Nit das er von cristal oder von für sei / sonder von wegen weitte der grossen vnd klarheit die do ist / wirt er also genenet / vnd meint man das Gott mit seinen ausserwelten freunden do wonen . Der Neundt himel / heisset primum mobile / das ist der erst beweg

F212-006,26 lich himel / oder heisset Nona sphaera / das ist die ix . spere / oder der ix . vmbkreis / an dem himel steht keyn sterne / es steht aber dran ein brei

F212-006,27 te strasse oder ein breiter kreis / der heisset Zodiacus / vnd geht der kreis nit recht oder gleich von Vffgang gegen Nidergang / Sonder er geht zwerchs an dem himel / also das der selbige Zodiacus / halber ist gegen Norwegen / vnd das ander halbe ist gekert gegen Mittag / vnd ist dise strasse getheilt in xij . theile / das seind die xij zeichen / vnd wie er getheilt an der lenge in xij . theile / also ist er auch getheilt in xij . theile an der breite / Vnd geht mitten durch den Zodiacum ein kresse der heisset via solis / das ist der Sonnen weg / ausser dem wege kompt die Sonn

nimmer weder zu der rechten noch zu der lincken hand / der sel

F212-006,28 big weg heisset auch linea Ecliptica / das ist die linige darinne / oder dabei finsternus der Sonn oder des Mon wirt / vnd nirgent anders . Die breite Zodiacus / die do ist gekert von der Sonnen wegen gegen Norwegen / die ist vj . gradus breit / vnd gedencck wie da vj . kresse sol

F212-006,29 len gehn neben der sonnen wege / vmb vnd vmb an dem himel / die vj kresse heissent paralleli deßgleichen / ist auch die breite des Zodiacus die gekert ist von der sonen wege gegen dem Mittag vj . gradus breit vnd hat auch vj vmbkreiß neben der sonen wege die da heissen paralle

F212-006,30 li / vnd dise xij . kreiß durchgehn alle Planeten / also das sie bei weilen sind in der sonnen wege gegen dem Mittag / vnd beiweilen auß der son

F212-006,31 nen wege gegen Norwegen / aber die sonne bleibet allwegen in dem mittel / die breite die do ist gekert von der sonnen weg gegen Norwe

F212-006,32 gen / die heisset latitudo Septentrionalis / das ist die breite des Zodia

F212-006,33 ci / die gekert ist gegen Norwegen / aber die breit die do ist hinsit der sonenwege die heisset latitudo Meridionalis / das ist die breite des Zo

F212-006,34 diaci / die gekert ist gegen dem Mittag / Es ist auch ein circkel durch den Zodiacum / vnd ist das der gang den yeglicher Planet geht von der sonnen wege gegen Norwegen / vnd wider in der sonnen vnd für

F212-006,35 bas hin gegen Mittag von vns / vnd denn wider inn der sonnen weg / vnnd der vmbkreis ist getheilt in xij . zeichen / der seindt zwei von dem anfang der sonnen weg / biß an den sechsten parallel gegen Norwegen / So seindt iij . zeichen wider in der sonnen weg / So sind iij . zeichen von dannen gegen dem Mittag / biß auff das sechst parallel / vnd aber drei zeichen biß wider in der Sonnen weg / So nu ein planet ist in den dreien zeichen des kreiß / die gekert sein gegen Norwegen / so heisset der planet Septentrionalis ascendens / das ist er ist gekert gegen Norwegen / vnd steigt vff / so aber der planet ist in den andern drei zeichen / so heisset er Septentrionalis descendens / so steigt er ab / Ist aber ein planet in den dreien zeichen die gekert sein von der sonnen weg gegen dem mittag / so heisset der planet Meridionalis as

F212-006,36 cendens / von dannen wider in der sonnen weg / heisset der planet Me

F212-006,37 ridionalis descendens / vnd dise xij . zeichen heissen argumentum latitu

F212-006,38 dinis / vnnd fahn an in der sonnenwege . So der planet gehet von dem mittag gegen Norwegen / so er dann vber der sonnen weg gehet / der vbergang heisset des Drachen kopff / vnd so er nach dem vj . zeichen wider hinab gehet gegen dem mittag / vnd aber gehet gegen der sonnen weg / der vbergang heisset Drachenschwanz . Vom Epiciclo . Ein jeglicher planet der hat einen kleinen circkel der heisset Epici

F212-006,39 clus / on die sonne die hat kein epiciclum / vnd dise epicicli sein auch ge

F212-006,40 theilt in xij . zeichen / vnd jedes zeichen in xxx . gradus / vnnd heissen die zeichen an dem epiciclo argumentum in auge / das ist an dem obersten theil epicicli / vnd sicht man hieran / wo der planet stehet in seinem epici

F212-006,41 clo . Das mittel von dem epiciclo das heisset Centrum epicicli / das gehet alle zeit gleichen gang vnder dem Zodiaco inn der sonnen weg / vnnd das heisset der mittellauff des planeten / aber der planet gehet an dem epiciclo vmb / vnd jetzt stehet er eben in dem epiciclo / jetzt stehet er hie unten / dann steigt er vff / dann steigt er ab / vnd darumb so merck

F212-007,01 end / wann kein zeichen noch kein gradus ist in dem argumento / so ist der planet in auge / das ist an dem obersten theil seins epicicli / sein aber sechs zeichen vnd kein gradus in dem argumento / so ist der planet an dem vndersten teil seins epicicli / vnnd das heißt oppositum augis / sein aber drei zeichen in dem argumento / so ist der planet neben an dem epi

F212-007,02 ciclo vnd steigt ab / sein aber neun zeichen in argumento / so ist der pla

F212-007,03 net neben an dem epiciclo vnd steigt vff . Ein jeglicher planet der in seinem epiciclo ab steigt / der ist gekert gegen vffgang / vnd so er vff steigt so ist er gekert gegen nidergang / Dises thut aber der Mon nit / dan so er ab steigt / so ist er gekert gegen nidergang / vnd so er vff steigt ist er ge

F212-007,04 keret gegen vffgang . Der mittellauff eins planeten / das ist der gleich gang eins Centri seins epicicli in der sonnen weg vnder dem Zodiaco / aber der irgang oder der gewelauff des planeten / ist der gang den der planet gehet / vff oder ab / für sich oder hinder sich an dem epiciclo . Von vier theilen des himels . Der himel ist geteilt in vier theil / das ein vffgang / das ander nider

F212-007,05 gang / das drit mittag / das vierd mitnacht / Vffgang ist do die sonn des morges vff geht / nidergang ist da sie abents vnder geht / meridies mitag ist da sie zu mittag steht / vnd Cardo mitnach do sie zu mitnacht steht Noch ist der himel geteilt in zwei theil / es gehet ein linien oder kreiß an dem himel vber das mittel des erdtrichs / vnd gehet der kreiß von Ori

F212-007,06 ient gen Occident / vnd widerumb gen Orient / der kreiß heißt linea equi

F212-007,07 noctialis / so die sonne in der linien ist / so ist tag vnnd nacht gleich / dise linien theilt den Zodiacum in zwei theil / also daß auff jenseit der linien sein sechs zeichen / die heissen mittaegliche / so sein auff diser seiten der li

F212-007,08 nien auch sechs / die heissen mitternaechtliche / deren steigen drei vff / das sein dise / Widder / Stier / Zwilling / so steigen drei ab das sein dise / Kre

- F212-007,09 bes / Lew / Junckfraw / Die sechs gegen mittag der steigen auch drei ab das sein dise / Wag / Scorpio / Schutz / vnd steigen drei vff / das sein dise / Steinbock / Wasserman / Fisch . Ptholomeus schreibt in dem buch Script . so die sonne gehet in den Widder / so gehet der Lentz an / vnd weret biß daß die sonne gehet in Krebs / vnd fahet der sommer an / vnd weret biß daß die sonne gehet in die Wag / da fahet dan der herbst an / vnnd weret biß daß die sonne gehet in den Steinbock / da fahet der winter an / vnd weret biß die sonne gehet wider in Widder . Die vier zeit des jars vnd jre eygenschaften . Der Lentz ist warm vnnd naß / vnd ist von Jupiters natur / Der Sommer ist trucken vnd heiß / vnd ist Martis natur / Der Herbst ist kalt vnd trocken vnd ist Saturnus natur / Der Winter ist kalt vnnd naß / vnd ist von Venus natur . Merck auch daß des himels vier teil von dem vff gehenden zeichen biß in mittag ist Jupiters natur / vnd die quart die do ist von dem mittag biß zu dem vndergang der sonnen / die ist heiß vnd trocken / vnd ist Martis natur / die quart die do ist von vn
- F212-007,10 dergang der sonnen biß in mittnacht / die ist kalt vnd trucken / vnnd ist von Saturnus natur / die aber ist von mitnacht wider zum auff stei
- F212-007,11 genden zeichen / die ist kalt vnd naß / vnd ist von Venus natur . Die vier gegend der erden oder himels . Es sein quatuor regiones das ist vier gegent oder land / Das erst land heisset Morgenland / vnnd ist das land oder statt die gelegen ist vor eim gebirg / do die sonne des morgens fruwe an scheint in jrem vff
- F212-007,12 gang / vnnd die gegen ist warm vnnd trucken . Das ander land ist Abentland / vnd ist das land oder statt / die gelegen ist vor eim gebirge da die son des abents an scheint so sie vnder geet / vnd das ist kalt vnd naß . Das dritte land ist Mittagland / vnd ist do das gebirg ist gleich gegen dem mittag / vnd ist warm vnd feucht / das vierd land ist Mitnacht
- F212-007,13 land / vnnd ist das land do das gebirg gekert ist gegen Norwegen . Der Acht Himel . Der acht Himel tregt die kleinen sternen oder die gemeinen sternen / die do hiessen Stelle fixe / vnnd lauffet der himel mit dem gestirn alle tag mit dem neunden himel vmb das erdtrich / von Auffgang biß gen Nidergang / vnd wider gen Auffgang / vnd heißt diser lauff Motus Raptus / er lauffet aber auch widder den neunden himel vnder dem Zodiaco in 120 . jaren einen gradum / an dem himel stehen etlich ster
- F212-007,14 nen die genatur sein nach der Planeten natur / vnd so die Planeten zu den sternen kommen die von jr natur sein / so han sie zwifaltig krafft / Ptholomeus der schreibt auch in Quadripartito / daß die zwoelff zeich
- F212-007,15 en grosse krafft haben von den gemeinen sternen die darin stehen / vnd dabei sol man mercken / daß die zeichen an dem himel nun bei vnsern zeitten ein andere wirckung haben / dann sie hatten bei Ptholomeus zeitten biß jetzt so man zalt Anno Domini 1rum10 . jare / xxv . gradus vnd mehr / vnd also sein die sternen jetzt im Widder / die zuo der zeit waren in Fischen / vnd die im Widder waren die sein nu im Stier / vnd also durch die zwoelff zeichen / Der nun wissen wil der Planeten wirckung in eim jeglichen / der muß der gemeinen sternen war nemen / an welchen stet
- F212-007,16 ten des himels sie stehen in diser zeit / vnnd muß der sternen natur ver
- F212-007,17 mischen mit der planeten natur / Auch sein etlich sternen außwendig des Zodiaci gen Norwegen / vnd etlich gegen dem Mittag / die Ptho
- F212-007,18 lomeus hat gegleicht etlichen thieren oder creaturen / vnd ist sein mei
- F212-007,19 nung also / Wan ein Eclipsis wirt der Sonnen oder des Mones / ist dann ein boeser Planet dabei / der sterben machet / so gehet das sterben vber das jenig / nach dem die sternen gebildet sein / es seie mensch / vihe / vogel oder fisch 7c so ist sein meinung / daß in den selben auch kome der selbe gebrest / auch sein etlich sternen in dem Zodiaco / der sein ein theil groß / als weren es Planeten / so sein etlich klein / so sein etlich mittel
- F212-007,20 messig . Man soll auch wissen / welche sternen rot sein / daß die von Martis natur sein vnnd heiß / vnd welche weiß sein / die sein von Sa
- F212-007,21 turnus natur / vnd sein kalt . Man sol auch mercken / daß alle sternen flackern vnd zwitzern / one allein die planeten flackern noch zwitzern nicht . An dem sibenden Himel vnden auff zu zelen / so stehet Saturnus / an dem sechsten / Jupiter an dem fünfften / Mars an dem vierden / die vnd an dem dritten Venus / an dem andern Mercurius vnd an dem ersten Luna / vnd dise himel lauffent alle vmb taeglich mit dem ix . hi
- F212-007,22 mel / Motus raptus aber die Planeten lauffent nach jrem eigen gan
- F212-007,23 ge wider den ix . himel / einer schneller denn der ander . Abtheilung des erdtrichs . Das Erdtrich ist getheilt in vier theil / Also ging ein linige mit
- F212-007,24 ten durch s erdtrich / von Vffgang biß zuo Nidergang / vnd geht die an
- F212-007,25 der linige von mittag gegen Norwegen / die zwo linigen heissent zwen Coluri / vnd theilent das erdtrich in vier theile der linigen / die da heis
- F212-007,26 set . Equinoctial gegen Norwegen / sein sieben teil des erdtrichs / die heissent vij . Climata . Do sol man mercken wie die meister schreiben das vnder der linigen / vnd bei der linigen die do heisset Equinoctial / niemandt gewonen kan von vberiger grosser hitz / vnd heisset dieselbe linige auch Torrida zona / vnd zuo gleicher weise mag auch niemandt wohnen do die sieben Climata auß gehen vnder dem polo arctico oder nahe dabei von vberiger grosser kaelte / Aber do zwischen sind die Cli
- F212-007,27 mata getheilt in siben / als hernach geschrieben stet . Die sieben Climata . Das erste Clima feheth an in India / vnd geht neben der linigen die do heist . Equinoctial von Vffgang biß gegen Nidergang / vnd ist die breite des

climatis gekert gegen Norwegen / vnd also sind auch die andern climata gekert / in disem clima ist der tag noch grober reche

F212-007,28 nung am lengsten xij . stunden / Aber in dem mittel dis clymatis ist der tag ein weniger lenger / Mercke das vnder der linigen die do heis

F212-007,29 set . Equinoctial ist der tag am lengsten / xij . stunden / vnd also ist der anfang des ersten climatis ein stund von der linige / disem Climat horet zuo Saturnus vnd die ij . zeichen Steinbock vnd Wasserman / in disem Clima ligent vil burg / lant vnd stedte die vns hie vnkündig sind / vnd darumb so lassend wir die also bleiben . Das ander Clyma feheth auch an zuo vffgang vnd geht in die lenge biß gegen Nidergang / vnd sein anfang an der breite / ist do das erste cli

F212-007,30 ma endet / vnd do selbs ist der tag am lengsten xij . stunden / vnd ein halbe stunde / Aber in dem mittel ist er lenger / disem clima horet zuo der Planet Jupiter / vnd die ij zeichen Schutz vnd Fisch / in disem cli

F212-007,31 ma ist gelegen . Egypten vnd der Moren land / vnd stoest an Alex

F212-008,01 andrien . Das dritte clyma fahet an im auffgang vnnd gehet durch das Jn

F212-008,02 disch land / vnd durch Kriechen / Cilicien vnd Bullen / vnnd also für

F212-008,03 baß gegen Nidergang / Disem clyma horet zuo der planet Mars / vnnd dise zwei zeichen der Widder vnd Scorpion / das selb clyma fahet an mit seiner breit da das ander auß gehet / vnnd ist der tag am lengsten vierzehn stunden / aber in dem mittel dis climatis ist er ein wenig lenger . Das vierde clyma fahet an vom Auffgang vnnd weret biß gegen Nidergang / vnd fahet an an der breite da das dritte clyma auß gehet / vnd ist der tag am lengsten xiiij . stunden vnd ein halbe stund / aber in dem mittel dis clymatis ist er ein wenig lenger / in disem clyma ist Rom gelegen / vnd Campanien / vnnd Tuschan vnd ander land vnd stette / disem zeichen horet zuo die Sonn mit dem zeichen des Lewen . Das fünfft clyma gehet von Auffgang gegen Nidergang / vnd ge

F212-008,04 het sein breit an / da des vierden climatis breit endet / vnd ist der tag am lengsten xv . stunden / aber in dem mittel des climatis ist er ein wenig lenger / Jn disem clima ist gelegen Lamparten / Bononia / vnd Mei

F212-008,05 land / vnd andere stette vil biß in Hispanien / dis climatis planet ist Venus vnd dise zwei zeichen / Stier vnd Wag . Das sechste clima gehet in der lenge von Auffgang biß gegen Ni

F212-008,06 dergang / vnd an der breit fahet es an / da das fünfft endet / vnd ist der tag xv . stund lang vnnd ein halbe stund / vnnd gehet das clima durch das Schweitzer gebirge herab in Teutsch land / Jn disem clima ligen Venedig / Vngern / Osterreich vnd Franckenreich / diß clima horet zuo Mercurio / vnd dise zwei zeichen Zwilling vnd Junckfraw . Das sibend clima gehet auch in die lenge von Auffgang gegen Ni

F212-008,07 dergang / vnd in der breit gehet es gen Norwegen biß an das ende / dis clima fahet an da das sechst endet / vnnd ist der tag am lengsten xvj . stund / vnd in dem mittel ist er lenger / aber am ende ist er fast lang / Jn disem clima ligen vil landt vnd vil guoter stette vnd burge / als Straß

F212-008,08 burg / Mentz vnd Koelln / Probant vnd Engelland / Francken / Thü

F212-008,09 ringen / Hessen / vnd vil ander land / stett vnd burg / der ich nit aller ge

F212-008,10 nennen kan / disem climata horet zuo der Mon vnd das zeichen Krebs . Also has tu das zeichen der siblen climata nach grober rechnung / als sie getheilt sein von dem merern theil den meistern . Auch sprechen die meister / wer wissen wil welcher planet regiere in eim jeglichen lande / statt / dorff / oder burge / der neme war wie das volck in der gegen gesittet sei / vnnd welches planeten natur sie aller

F212-008,11 gleichest sein / der planet hat sein wirckung allermeist in der gegen . Wiewol nun die Clima also geteilt sein / daß die Sonn vnd der Lew krafft haben vber der Roemer land / noch dann so hat Ptholomeus die drei feuerigen zeichen getheilt in drei gegend / vnnd spricht daß der Widder seie vber der Roemer land / vnd vber Tuschan vnd Lampar

F212-008,12 ten / so seie der Lewe vber Vngern / Behemen / Preussen vnd Teutsch

F212-008,13 land / vnnd seie der Schütz vber Franckreich / Hispanien / Portugal / Schotten vnd Engelland / vnd ist sein meinung also / wirt ein Eclip

F212-008,14 sis Solis oder Lune / oder ein Comet / oder ein grosse Coniunction der hohen planeten in der dreien zeichen einem / so gehet die bedeutung / es sie guot oder boß in das land / das den zeichen zuo gehoret . Hemisperi

F212-008,15 um ist der gantz himel nach gesicht vber dem gepirge / oder ober dem erdtrich eins jeglichen landes . Orizon ist allein der kreiß des himels auff dem erdtrich / das ist da des himels schein auff das erdtrich stos

F212-008,16 set . Zenith ist das theil des himels das gleich vber vnserm haupt ist / So nun die Sonne auff gehet vnd rüret den Orizontem in Auffgang da fahet der tag an / vnnd weret biß daß die Sonne kompt vnder den Orizontem in Nidergang / vnd dann heisset es nacht / vnnd also theilt die Sonne den himel in zwei theil / das ist in den tag vnd in die nacht / der tag ist warm vnnd trucken / die nacht kalt vnd feucht / Hieuo ist genug gesagt . Wirdigkeiten der Zeichen . Nu wil ich sagen von sonderlicher wirdigkeit die die Zeichen vnd Planeten haben / Der Widder ist kalt im Auffgang / vnd warm in Ni

F212-008,17 dergang / der Stier ist lawe im Auffgang vnd kalt im Nidergang / der Zwilling ist warm vnd feucht im vffgang / vnd kalt vnd naß im Ni

F212-008,18 dergang / der Krebs ist warm vnd trucken im vffgang / vnd kalt vnd naß im nidergang / der Lewe ist

warm vnd trocken im vffgang / vnnd kalt vnd naß im nidergang / die Junckfrawe ist lawe im vffgang / vnd kalt vnd naß im nidergang / die Wag ist kalt im vffgang / vnd lawe vnd naß im nidergang / Scorpion ist warm im vffgang / kalt vnnd feucht im nidergang / der Schütz ist kalt vnd naß im auffgang / vnnd warm vnd trucken im nidergang / der Steinbock ist kalt vnd trocken im vff

F212-008,19 gang / vnd naß im nidergang / der Wasserman vnd Fisch sein kalt vnd naß im vffgang vnd im occident . Diß sol man also verstehen / so die sonne ist in der zeichen ein / die warm sein im orient vnd kalt im occident / so ist dann die bezeichnung der planeten vnnd des mons gericht vff hitz / so erzeugt sich die hitz an dem tag mehr des morgens dann des abents / vnd also ist es auch vmb die andern wirkung / Jst das vff gehend zeichen kalt / so bezeichnet es kelte mehr des morgens dann des abents . Von eigenschafften der planeten . Nu mercke von den planeten / Saturnus ist vnmassen kalt vnnd trucken / vnd darumb so er kein widerstand hat / so ist er ein feind der na

F212-008,20 tur . Jupiter ist in rechter ordnung warm vnd feucht / vnd darumb so ist er ein freund der natur / doch so ist die hitze stercker an jm / dann die feuchtigkeit . Mars ist vnmassen heiß vnd trocken / vnd darumb ist er auch ein feind der natur / vnd ist doch mehr heiß dann trocken . Die Sonne ist in natürlicher ordnung warm vnd trocken / vnd gegen al

F212-008,21 len naturen ist die Sonne wol geordenet . Mercurius der ist von jm selber kalt vnd trocken / vnd doch neigt er sich zuo der natur eins jeglich

F212-008,22 en planeten bei dem er ist . Der Mon ist meßlich kalt / vnd vbermes

F212-008,23 siglich feucht . Drachenkopff ist warm vnd trocken / Drachenschwanz ist kalt vnd feucht . Manliche vnd weibliche planeten vnd zeichen . Die Planeten hand auch sonderliche wirkung / nach manlichkeit oder weiblichkeit / vnd sol man das also verstehen / daß ein jeglich zeichen ist entweder manlich oder weiblich / bei der manlichkeit verstehet man hitz vnd trocken / vnd bei der weiblichkeit verstehet man kelt vnd feuch

F212-008,24 tigkeit / alle zeichen die warm sein / die sein maenlich / vnd alle die kalt sein die sein weiblich / Desselben gleichen merck auch an den planeten / Sa

F212-008,25 turnus / Jupiter vnd die Sonne sein maenlich / so sein Venus vnd der Mon weiblich . Mars ist weiblich / wie wol das er heiß ist / so ist Mer

F212-008,26 curius maenlich im maenlichen zeichen / vnd weiblich im weiblichen zeich

F212-008,27 en / Die nacht ist weiblich / der tag ist maenlich / vnd sol man wissen / daß die maenlichen planeten des tages stercker wircken dann des nachts / so nun ein maenlicher planet in ein maenlichen zeichen des tags / oder ein weiblicher planet in einem weiblichen zeichen des nachtes ist / so stehet er wol vnnd wircket einfaltiglich sein wercke / ist aber ein maen

F212-008,28 licher planet in einem weiblichen zeichen des nachts / oder ein weib

F212-008,29 licher planet in einem maenlichen zeichen des tages / so stehet es krenck

F212-008,30 lich vnd wircket nichts guotes . Von wirdigkeit der Planeten . Es sein auch fünff sonderlichen wirdigkeiten / die die planeten ha

F212-008,31 ben in den zwölff zeichen / das ist Domus / Exaltatio / Triplicitas / Terminus / vnnd Aspectus / Domus ist das hauß / Exaltatio die er

F212-008,32 hoehung / Triplicitas die dreuung oder ein gleichheit / das ist so des pla

F212-009,01 netens natur vnnd des zeichens natur gleich sein / Terminus ein zil / Facies ein angesicht . So nun ein planet ist in seinem hauß / so hat er fünff stercke / vnd ist darin also gewaltig vnd mechtig / wie ein gros

F212-009,02 ser herr der do ist in seiner statt oder burg / Jst aber ein planet in exal

F212-009,03 tatione / so hat er vier stercke / vnnd ist als ein grosser herr der in seiner maiestet vnd herschafft ist / So aber ein planet ist in Triplicite / so hat er drei stercke / vnd darin ist er als ein herr der vnder seinen helffern ist / So ein planet ist in seinem Termino / so hat er zwei stercke / vnnd ist als ein herr der vnder seinem geschlecht / vnd vnder seinen angebor

F212-009,04 nen freunden ist / So aber ein planet ist vnder seinem Facie / so hat er ein sterck / vnd ist als ein herr / der vnder seinen guoten freunden ist . Von freud der Planeten . One dise fünff sonderlichen wirdigkeiten / so hat noch dannoch ein jeglicher planet ein wirdigkeit / die heisset sein freud / vnd ist also . Saturnus frewet sich in dem Wasserman / darumb daß es ist ein maenlich zeichen / Jupiter frewet sich in dem Schützen / Mars in dem Scorpion / die Sonne in dem Lewen / Venus im Stier / Mercurius in der Junckfrawen / vnd der Mon im Krebs . Noch ist ein ander freud der planeten an des himels kreiß / vnnd ist also / Mercurius frewet sich in descendente / der Mon in dem dritten hause / Venus in dem fünfften hauß / Mars in dem sechsten hauß / die Sonne in dem neunten hauß / Jupiter in dem eilfften hauß / Satur

F212-009,05 nus in dem zwölfften hauß . Von stercke vnd schwachheit der Planeten . Wie nun die planeten haben krafft in etlichen zeichen / also sein sie auch schwach vnnd kranck in etlichen zeichen / So ein planet ist in sei

F212-009,06 nes feindes hauß / so ist er nit wol daran / vnd stehet in vnglück / so auch ein planet stehet in Casu suo / das ist in seinem fall / der stehet auch nicht wol . Vom falle der Planeten . Nun mercke / Saturnus fellet im Widder / Jupiter im Steinbock Mars in dem Krebs / Sonne in der Wag / Venus in der Junck

F212-009,07 frawen / Mercurius in Fischen / Mon im Scorpion . Nu sol man wissen / wann ein planet ist in

seiner wirdigkeit / oder an einer guoten statt / so ist er nicht gar vntugenthafft / wiewol er sunst boese ist / ist er aber an einer statt die wider jn ist / so erzeugt er sein boßheit vnnd sein vnart . Vnder den zwölff zeichen sein zwei zeichen die wirdigsten / das ist der Lewe vnd der Krebs / vnd sein jr planeten / das ist die Sonn / vnnd der Mon die wirdigsten vnder allen planeten . Die Sonne wircket mehr des tags dann des nachts / vnnd der Mon mehr des nachts dann des tags / wie vor geschrieben ist / vnnd doch hat der Mon mehr krafft an dem tage / dann die Sonne in der nacht / Die Sonne bezeichnet den lufft / vnnd der Mon das erdtrich vnnd das wasser . Von anfang des Jars / wie man achtung sol haben / in waß Planeten vnd zeichen die Sonne oder der Mon trette / darnach zu urtheilen . Reuolutio anni / das ist der anfang des jars / so die Sonne ist vmb gangen durch die zwölf zeichen / vnd wider kompt in die erste minut des Widders / vnd diß heisset der anfang des jars / oder reuolutio an

F212-009,08 ni / das ist / so die sonne in Widder gehet / vnd nach der zeit merckt man wie das jar sol sein / ist die sonne dann auff die zeit in einem boesen an

F212-009,09 gesicht Saturni oder Martis / das bezeichnet ein vnreinigkeit des luffts / Jst aber der Mon dann an einer boesen stat / oder in einem boe

F212-009,10 sen angesicht Saturni oder Martis / das bezeichnet ein vnreinigkeit des erdtrichs vnd des wassers . Die boesen oder die vnglückhaffigen planeten sein Saturnus vnd Mars / Saturnus mit kelte / Mars mit hitze / vnnd wenn Mercurius jr eins helffer ist / so ist er also viel dest boeser . Von Aspect oder anblick der Planeten . Die angesicht oder die aspectus der zeichen vnd auch der planeten / heissen also / Coniunctio / Oppositio / quartus aspectus dexter / quar

F212-009,11 tus aspectus sinister / Trinus aspectus dexter / trinus aspectus sini

F212-009,12 ster / Sextilis aspectus dexter / vnd sextilis aspectus sinister . Aspectus ist ein angesicht der zeichen gegeneinander / oder der pla

F212-009,13 neten . Coniunctio ist / so ein planet bei dem andern ist in eim zeichen / vnd in gleichem gradus / als were Saturnus vnd Jupiter beieinander in dem sechsten gradus Arietis . Oppositio ist so ein planet stehet von dem andern in dem sibenden zeichen / vnd doch in gleichem gradus / als were ein planet in dem sech

F212-009,14 sten gradus des Widders / vnd were der ander in dem sechsten gradus der Wag . Geuierter Aspect . Quartus Aspectus / ist auß eim zeichen vber zwei zeichen / als were ein planet in dem sechsten gradus des Widders / vnd der ander in dem sechsten gradus des Krebs / die sehen sich an in quarto gradu . Getritter Aspect . Trinus Aspectus / ist so ein planet den ander an sicht in dem v . zeichen als were ein planet im sechsten gradus des Widders / vnd were der an

F212-009,15 det in dem sechsten gradus des Lewen . Trinus aspectus / ist so ein planet den andern an sicht in dem fünff

F212-009,16 ten zeichen / als were ein planet in dem sechsten gradus des Widders / vnd wer der ander in dem sechsten gradus des Lewen . Gesechster Aspect : Sextilis aspectus ist so ein planet den andern an sicht in das dritte zeichen / als were ein planet in dem sechsten gradus des Widders / vnd were der ander in dem sechsten gradus der Zwilling . Noch sein mehr angesicht der planeten / als in das nechst zeichen / vnnd in das sechst zeichen / vnd in das acht zeichen / vnnd in das zwölf zeichen / dise nen

F212-009,17 nen aber die meister nit aspectus / vmb des willen daß sie kranck sein / vng vngleich in dem gethoen / vnd sein mehr schedlich dann guot . Cometen sein nit im Firmament . Alle alte vnd weise Meister sein des einhellig / daß die stern / Co

F212-009,18 meten / vnnd die lauffenden sterne / sein die andern stern / das heissen stelle secunde / dann sie werden wider die erst natürlich bewegung / vnd etlich sprechen / daß jr Elementen ist der fewerin himel / vnd wir finden das nit / daß einer sagt vrsachen in disen dingen / dann so die Cometen weren des fewerin himels / nach dem als sie dann sagen / so erweget sich doch keiner mit dem bewegen des Firmaments von Orient zu Occi

F212-009,19 dent / vnd haben kein bewegung / vnd were es / als sie sprechen / so solt jr bewegen nit sein warhaffig / vnnd einer gestalt / vnnd sein solche also lauffende stern / vnd als die andern die heissen Asub / also / wann wir die sehen erscheinen / so lauffen sie durch den lufft / vnd zuo der rechten vnd zuo der lincken / wie es dann geschicht / vnnd wir sehen sichtlich / daß et

F212-009,20 licher Comet wirt gesehen / vnd weret in eim zeichen durch vil tage / vnd wir sahen einmal / daß ein Comet erschein in dem zeichen Zwilling / vnd weret vil monat / vnd beweget sich nit von der statt do er erschein / oder gesehen ward / aber etwan / daß er ward beweget von Orient biß in Occident / mit dem bewegen des kreisses der xij . zeichen / dann were er gewesen von dem himel der fewerin ist / nach dem als etlich sagen / so lieffen sie nit also / noch erschinen mit einer figuren alwegen / noch weren nit von einer sichern figuren / Sie sprechen aber daß der Co

F212-009,21 meten neun sein / Der erst heißt Veru / wie ein bratspieß / der ander Ce

F212-009,22 naculum / der drit Pertica / der vierde Miles / der fünfft Domina As

F212-009,23 cone / der sechst Matrica / der sibend / Argentum / der acht Rosa / der neund Niger / Ven schreiben jr sitten vnd jr weise / vnd jr figuren / vnd sprechen es seien die / die do komen sollen / wenn der einer gesehen werd / vnd solche ding werden nit gesprochen / für etwas das do geborn wirt / vnnd das do erschein in einer zeit / vnd in der andern nit / vnd auch allermeist ist es ein ding / das do habe ein Element / das do geborn werde von dem / vnd soch verkere mit jm / Vnnd sprich auch mehr / daß do die Cometen weren vom fewer des himels / warumb würde es mehr gesehen dan das gantz fewer miteinander des himels / oder warumb wirt nit alwegen oder erschein et nit alwegen bei

der Sonnen / oder bei dem capite Draconis / oder bei dem cauda Draconis / vnd also hand die geschicht vnd das wircken der Cometen ein ende . Von gestalt / groesse / complexion / farbe / eigenschafft vnd bedeutung / eins jeglichen Cometen . Es spricht der Meister Ptholomeus im letsten Buoch der hundert spruch / daß die lauffenden stern vnd die Cometen erzeugen trocken zeit / vnnd wann sie werden sein in eim theil / so erzeugen sie künfftige wind von dem selben theil / vnd wann es wirt von allen theilen / so er

F212-009,24 zeigt es gebresten der wasser / vnd betruebung des luffts / vnd feind in das land zu kommen / in das Clima / do er dann erschen wirt / die do for

F212-009,25 dern das künigreich / vnd widersprechen den gesetzen / Die boesen Come

F212-009,26 ten sein die / die do haben die xij . zeichen wenn sie erscheinen . Vnd ist es / daß erscheinet Domina capillorun / die heisset in Arabischer sprach Dualioma / in dem winckel etlichs reichs / so stirbt der Künig desselben reichs / oder ein grosser Herre / vnd wirt er gesehen in den andern nach folgenden winckeln / so wirt groß guot geraubt / vnnd werden andere Richter gesetzt an jre stat / vnd ist es / daß er gesehen wirt in dem winck

F212-009,27 eln Cadens / das fallend winckel / so wirt der Künig sein in traurigkeit vnd in schmerzten / vnd wirt leiden grossen siechtagen / vnd werden sei

F212-009,28 ner leut vil sterben / an der stat / do er dann erscheinet / vnnd die leut in jren stetten haben gebresten an jren Raeten . Es sprach Alchindus / daß der Cometa Capillorum heisset in la

F212-009,29 tein Domina Capillorum / vnd ist von der complexion der Sonnen / vnd scheint bleichfarb / vnd huobsche erscheinung / vnd seine streme die strecken sich recht als die aest von den beumen / vnnd gleichet sich den aesten des palmenbaums / Vnd wann der erscheinet / so erzeugt er ster

F212-009,30 bet der Koenige / vnd zerstoreung der festen vnd der buerge / vnd todt / vnd zerstoreung grosser menschen / vnd andere desselben Climatis / vnd es wirt in der welt ein wanderung von einer statt in die andern . Der Comet / der do heisset Crinis in latein / oder Domina crinis / in Ara

F212-010,01 bico Duduaheba / so der erscheinet / so zeigt es daß etwo einer wirt auff stehen / vnd sich widerstreben dem Künig / Vnd ist es / daß der Comet Crinis kompt von Occidente / vnd ist sein processus vnd fůrgang na

F212-010,02 türlich / so erzeugt er daß die / die auff stehen wider jn / kommen von eim andern Climate / vnd ist es daß er nit fůrgang hat / so zeigt es / daß der auff stehet / wirt in dem selben Climate sein . Es spricht auch Albu

F212-010,03 masar / in dem Buch / Reuolutionum annorum mundi / Luge in wel

F212-010,04 chem zeichen wirt gesehen der Comet Crinis / vnd in welcher statt des zeichens / vnd welche aspectus habe / guot oder boeß / das zeichen des Co

F212-010,05 meten / vnd ist es das es gesehen wirt in eins Koeniges zeichen / vnd daß es dann an gesehen wirt von den herren desselben zeichens / von einer starcken statt / so erzeugt es / daß die / die auff stehen widder den künig / werden sein von demselben land / vnnd werden sein von dem geschlecht der künig / genant vnd erkant / vnd ist es / daß das zeichen wirt als wir dann gesagt haben / vnd sicht jn nit sein Herr an / so erzeugt es / daß er wirt ein grosser Herr / aber von rechtes wegen sol er nit haben das reich / Vnd auff solche weiß sprich von allen zeichen / Vnd ist es / daß du es nit wol verstanden hast / das wir vor gesagt haben / so solt u wis

F212-010,06 sen / daß die zwei heuser Jupiters bedeuten vber die sůne des koenigs / vnnd die zwei heuser Saturni / bedeuten vber die mechtigen / vnd vber die grossen herrn / vnd die zwei heuser Mars / vnd das hauß der Son

F212-010,07 nen vber die koenige / vnnd das hauß des Monen / minder ist es / dann das hauß der Sonnen / vnd das hauß Mercurij minder dann Jupi

F212-010,08 ters / vnd das hauß Veneris minder dann das hauß Martis / Vnnd das ist darumb / dann ein Spher eins planeten ist niderer dann des andern Spher . Der Meister Ptolomeus sprach in dem letsten wort des Buchs der hundert woreter / daß die stern die heissen Cometen / die die welt erwegen / der sein neun / vnnd vier die ersten der vor genden gleichen sich den stern in den farben / vnnd alle Cometen bedeuten streit vnd jrrung / vnd sterbet / vnd vil erschroockenlich ding die gesche

F212-010,09 hen in der welt Vnd den Cometen der do heisset Miles / den Ptholomeus also nen

F212-010,10 net der ist von der complexion Veneris / vnnd ist groß / gleich als der Mon / vnd ist eins schnellen lauffs / vnd hat har / vnd würfft die strem nach jm / vnd widerlauffet etwan durch alle zeichen / etlich weise mei

F212-010,11 ster sprechen der Comet heisse Equus / vnnd etlich heissen jn Crines / das ist haree / vnd der Meister Alchindus sprach / das es were ein schei

F212-010,12 nender stern / vnnd gehen von jm vil straeme / die dick sein / die an dem end gleich sein den aesten der datteln anhand / vnd wann der scheinet / so erzeugt er forcht / die do kommen sol vnder das künigreich / vnder kü

F212-010,13 nige vnd vnder gewaltige herren / also daß sie all werden erschrecken / vnd verwandeln sich die ding der statuten / vnd kommen andere groes

F212-010,14 ser dann die / vnd wirt das ende groesser in dem theil / do sich dann sein schwantz hin hat geneigt . Ein Comet der heisset Adoma / der ist der selben complexion mit Mercurio / vnnd ist klein vnd geelfarb / vnnd sein schwantz gar lang / Alchindus der gab jm ein andern namen / vnd nant jn Decornu / vnd sprach / daß der Comet erhebet ein theil hinauff / vnnd ist gleich einem weiten horn vnden / vnd je mehr er hinauff steigt / je mehr er gestaltet wirt als ein horn / vnd wann er gesehen wirt in Oriente / nach dem als Ptholomeus hat gesagt vnd Alchindus / so bedeutet

es verlust vnder den Königen / vnd streit die do werden vnder jn / Vnd ist es daß er wirt gesehen in dem theil zuo Occidente / so bedeutet es das vor genant inn Occident . Von der Morgenroete oder Aurora spricht Ptholomeus / daß sie sei der complexion Martis / vnd ist rot / vnnd hat ein langen waedel / vnd Alchinns der nent jn den Cometen mit dem schwantz / vnd sprach / daß es were ein roter stern / vnd hat einen waedel hinden nach jm gehn / vnd etlich die heissen jn Decrine / vnd sein auch vil die sprechen / wann einer gesehen wirt / so sein zwischen dem Cometen vnnd der Sonnen zwei zeichen / vnnd etlich die nit sein wol weiß gewesen / die sprechen / daß er sei vnder den stremen der Sonnen / vnd machten jm ein Equa

F212-010,15 tion als den Planeten / aber es ist nit also / dann sie sein nit sternem / aber sie sein den sternem nach folgen / Wann nun einer wirt gesehen in Oriente / vnd daß er das haupt vnder sich hat kert / wan er vff steigt / so bedeutet es / nach dem als es dann Ptholomeus gesagt hat / trocken zeit / vnd gebrestens vil in Babylonia / vnd in Persia / vnd borenem mit fewer / vnd geschicht krieg vnd jrrung in Orient / vnd schaden der komt in Teutschland / vnd werden daselbs viel heuser verbrant / vnnd auch gleicher weiß werden vil heuser verbrant in Occident / also in Egypten vnd in Nubia / Die von dem land Chaldea nanten den Cometen Mutzba vnd sprachen / wan er gesehen wirt / bedeutet er grosse tewre vnd trocken zeit in dem land Persia / vnd werden schein vnd blixen / vnd wirt grosser schaden in den beumen / vnd werden der künig heuser verbrant / vnd ist es daß er gesehen wirt im Mittag / so erzeugt es daß es boeiß wirt sein in Egypten / vnnd ist es daß er erscheint in Occident / so werden boese ding geschehen in Occident . Det Comet Argentum / der ist von der complexion Jupiters / vnd ist scheinende / vnd hat gar hübsch streme / vnd ist ein wenig weißlecht / vnd gleicht sich einer silberin farben geleutert / vnd hat daselbs also ein groß klarheit / daß jn der mensch nit mag an sehen / vnd wan der gesehen wirt / so erzeugt er gnugsamkeit aller guoten ding / vnd daß das brot wirt gar wolfeil werden vff dem erdtrich do er erscheint / vnd allermeist ist es das er wirt vff gehn in wasserigen zeichen / als Krebs / Scor . vnd Fisch . Der Comet der do heisset Niger / der ist von der complexion Saturni vnd ist geeler farb / vnd ist ein wenig schwartzelecht / vnd sein seine streme kugelecht / vnd hat ein angesicht oder antlitz / aber Alchindus der nent den Cometen Demanu / vnd sprach / daß von jm gieng ein klein ruote / vnd hat strem an dem end / vnd wann er erscheint / so bedeutet er nach des meisters Ptholomeus rede / daß erweget werden krig vnd streit / vnd gar grosse geschicht in dem Clima / da er dan aller bast gesehen wirt / vnd die Chaldei nennen den Cometen Stucellam / vnd sprechen wan er

F212-010,16 schein die Stucella / so erzeugt er streit vnd krieg / vnd grosse geschicht in jeglicher statt oder dorff / vnd den todt des Königs / vnnd hinderung grosser Herren . Der Comet der do heisset Rosa / der ist groß vnd kugelecht / vnd hat eins menschen antlitz / vnd ist garr hübschs angesichts / vnd ist ein wenig geelfarb / vnd sein farb ist als goldfarb vnd silberfarb / so die vnderreinan

F212-010,17 der gemischt sein / vnd wann der gesehen wirt / so .. zeigt er sterbet der Edelleut in der Climate da er gesehen wirt / vnd wirt verwandlung in den dingen der welt / vnnd komen ander bessere vnd die von dem land Chaldea sprechen / wann der Comet erscheint so erzeugt er den todt der Könige vnd der grossen Herrn / vnd werden die gefangen ledig . Der Comet der do heisset Veru / der ist eins vppigen angesichts / vnd hat ein gestalt als ein schwert / vnd hat einen waedel nach jm gehn / vnd spricht der meister Alchindus / daß der Comet seie einer roten farben / vnd hat einen waedel vor jm als ein spieß / lang vnd spitz / vnd ist der con

F212-010,18 plexion mit cauda Draconis / vnd Alchindus sprach / daß der Comet hat zwei har oder strem die jm sein nach folgen / vnd die sein gleich eim spieß / vnd sein von der natur Saturnus / vnd wann der erscheinet / so erzeugt er vil boese ding / vnd vil mißhellung / vnd zerstoreung der beum / vnd sterbet der grossen Herrn vnd Edelleut in Orient vnd Occident / vnd in Ethiopia / vnnd wir haben nit funden / daß Ptholomeus ge

F212-010,19 sprochen hab / welcher gestalt er were / aber Alchindus sprach / daß sich der Comet auß streckt / vnd ist gleicher weiß als ein seule / die vff steigt wider das theil der Sonnen / wann sie wirt gesatzt in Occident / vnd ehe sie vff steigt in Orient / vnnd ist ein stern / der hat scheinend von jm zwen aest in zwei teil vnderscheidlich / vnd ist von der natur des Trachen

F212-010,20 kopffs / vnd wann er gesehen wirt gegen Mitnacht / so erzeugt er trock

F212-010,21 enzeit vnd gebresten des regens / vnd ist es daß er eim Planeten begeg

F212-010,22 net / so bezeichet er vil / Vnd ist es daß er begegnet Venus / so gebrist was

F212-010,23 ser / ist es aber daß er Mercurio begegnet / so sterben die weisen leut / vnd ist es daß er dem Mon begegnet / so werden zerstoret die ding / vnnd wirt gebresten sein weißheit / vnnd werden die leut haben grossen mangel / vnd viel geschicht / vnd ist es daß er mit Saturno ist oder wirt / so wirt zerstoreung des lufts auff dem erdtrich / vnd werden streit / vnnd ist es daß er ist mit Jupiter / so erzeugt er grossen streit vnder den Königen / vnd daß jr das mehrer theil werden sterben / vnnd ist er mit Mars / so werden vil streit / ist er mit dem Trachenschwantz / so werden zerstoret die Teutschen vnnd die Engelschen an dem ende des Mertzen / Es sprechen die von Chaldea / wann Pertica der Comet gesehen wirt / so zeigt er den tod der König in dem theil . Der Comet der do heisset Gebia / der heisset in latein Cenaculum / vnd ist groß mitten / vnd ist sein oberst theil spitz / vnd ist der Comet der aller mindest gesehen wirt / vnd wirt auch nit gesehen / es sei dann von einer grossen Coniunction wegen / biß an die ander groß Coniunction die do wirt in den jaren 960 . oder 1000 . / vnd den nant Alchindus den Cometen mit dem har oder Decrine / vnd heisset in Arabico Alanoch vnd ist eins grossen bergs namen / der do ligt in Persia / vnd do vil ge

F212-010,24 samletes volck mancherlei / vnd der Comet ist groß vnd lang / vnd ist von der natur des Mones / vnd

wan er gesehen wirt / so erzeugt er scha

F212-010,25 den in den gesetzen vnd in den künigreichen / vnnd vnder den künigen die dann der künigreich gewaltig sein oder in halten . Ein ander nützlich Tractat vnd Capitel / von art / eigenschafft vnd wirckung der zwoelff Zeichen . Ein jeglich wandlung des luffts geschicht entweder von natur der zeichen / oder von natur der sternnen die in dem zeichen sein / oder von natur der Planeten in den zeichen / vnnd anblick gegen der Sonnen oder Mone / oder von dem zuogang der Sonnen oder des monen zuo den Planeten / darumb so hab ich zum ersten geschrieben die natur der zeichen / vnd der kleinen sternnen / wie sie genant sein nach den Planeten vnd nach den zeichen / vnnd jr zusammenfuegung vnd jr zuogang / dauon hab ich drei regel geschrieben / die die meister setzen / von der enderung des wetters . Widder ist ein zeichen / das von natur gern dondert / vnnd bringt schlegregen / die ersten zehen gradus im Widder machen regen vnnd wind / die andern zehen gradus sein mittelmessig / die hindersten zehen gradus sein heiß / vnnd machen sterbet vnd zerstoreung / Die kleinen sternnen die do sein gegen dem mittag vber die linien die do heisset Equi

F212-010,26 noctialis / die keltzen / vnnd die gegen vns stehen / das ist / gegen mit

F212-010,27 nacht / die hitzen . Stier hat beyde natur heiß ...ch ist es mehr geneigt zuo hitz dann zuo kelte / vnd die stern ... e....e freyn dem anfang des zeichens / vnnd in sonderheit sibem sternlin die ... heissen Pleiades / die machen erdbidem wind vnnd nebel / die erst zehen gradus thunt das / die an

F212-010,28 dern zehen gradus sein kalt vnd feucht / die hindersten zehen gradus / stehen in sonderheit bei Adelbaran / die sein fewerig / heiß / vnd bringen starck wetter mit donder vnnd blixen / die sternnen die do stehen gegen mittag / machen starcke bewegung / vnd sein der natur Saturni vnd Mercurij / aber die stehen gegen mitnacht / die sein fewerin vnd sein von Martis natur . Zwilling ist ein zeichen von dem lufft / vnd machen gewonlich schoen wetter / dann es ist von Jupiters natur / die ersten zehen gradus sein feucht / vnd machen wetter oder hagel / die andern x . gradus sein senfft / die hindersten zehen gradus sein mittelmessig / die mittaeglichen fewe

F212-010,29 rin vnd brennen / die mitnaechtlichen machen wind vnd erdbidem . Krebs macht gewoenlich schoen wetter vnd hitz / aber am anfang / bei den sternnen die do heissen die krip / so macht es trocken lufft vnd erd

F212-010,30 bidem vnd starck wetter mit hagel / die andern zehen gradus sein sanfft vnd klar / vnd sein von Jupiters natur / die dritten zehen gradus mach

F212-010,31 en wind / die sternnen gegen mittag vnd auch gegen mitnacht bringen grosse hitz / vnd sein von Martis natur . Lewe ist von natur heiß vnd trocken / vnd macht doch dick betruet

F212-010,32 ten lufft oder nebel / die ersten x . gradus die machen sterben vnd vnrei

F212-011,01 nen lufft / vnd sein der natur der Sonnen vnd Martis / die andern x . gradus sein fast feucht vnd von Saturnus natur / daß sie zerstoren / die mittaeglichen sternnen sein genaturt / als Venus vnd Mercurius / das ist gantz feucht / die mitternaechtlichen sein heiß als Mars . Junckfrawe ist ein zeichen kalt vnd trocken / vnd ist von natur Ve

F212-011,02 neris vnd Mercurij / die ersten x gradus machen schaedlich hitz / die an

F212-011,03 dern x . gradus sein mittelmessig / die dritten x . gradus sein kalt vnnd feucht / die mittaeglichen stern sein mittelmessig / die mitternaechtlichen machen starcken wind / vnd bei weilen sterbet . Wag ist ein zeichen warm vnd feucht / die ersten x . gradus sein mit

F212-011,04 telmessig / sie haben Jupiter vnd Venus natur / die andern zehen gra

F212-011,05 dus sein feucht vnd kalt / als Saturnus vnd Venus / die dritten sein mit

F212-011,06 telmessig / mittaegliche sein naß vnnd machen sterbet / mitnaechtliche machen starcken wind . Scorpio ist ein zeichen kalt vnd naß / vnd macht gern donder vnd blixen vnd hagel / die ersten x . gradus machen heiß vnd wind / die andern x . gradus sein mittelmessig / die dritten x . gradus machen erdbidem / die mittaeglichen stern sein feucht / mitternaechtliche sein heiß / vnd sein von Martis natur . Schutz ist heiß vnd trocken / vnd ist ein windig zeichen / die ersten x . gradus sein fencht von Venus natur / die andern x . sein mittelmessig / die dritten x . sein hitzig als Mars / die mittaeglichen sein gar feucht / die mitnaechtlichen machen starcken wind . Steinbock ist ein jrdisch zeichen / vnd reget gern / dan es ist des Mo

F212-011,07 nen fall / die ersten x . gradus sein hitzig vnd schedlich als Mars / die an

F212-011,08 dern x . sein mittelmessig / die dritten x . machen regen / die mittaeglichen stern sein gar feucht in feuchten landen / vnd auch die mitnaechtlichen . Wasserman ist warm vnd feucht / vnd macht doch kalten regen / die ersten x . gradus sein gar feucht / die andern x . sein mittelmessig / die dritten x . machen wind / die mittaeglichen stern machen hagel / die mit

F212-011,09 naechtlichen machen hitz . Fisch ist ein zeichen kalt vnd naß / vnnd ist fast windig / die ersten x . gradus sein mittelmessig / nach Venus natur / die andern x . gradus sein gar feucht als der Mon / die dritten x . gradus sein hitzig als Mars die mittaeglichen stern sein feucht / die mitnaechtlichen sein windig als Jupiter vnd Mercurius . Summarium . Dise zeichen sein sonderlich feucht vnnd bringen regen / der Krebs / Lew / Scorpion / Wasserman / Schutz / Fisch / vnd das end des Wid

F212-011,10 ders vnnd Steinbocks / vnnd der anfang des Stiers / die sein auch feucht . Von wirckung der Planeten / ein ander nützlich Capitel . Von der Planeten natur sagen die Meister / daß dis sein die Pla

F212-011,11 neten die regen bringen / Venus / Mercurius vnd Luna / vnd der wirck

F212-011,12 ung verstand / also / in welchem jar Saturnus vff gehet one Martis gesicht oder Jupiter / so macht er

grosse kelt in landen gegen mitnacht / also groß / daß vihe vnd frucht verdirbt / vnnd ist das noch mehr so er vff steigt in seim Epiciclo / vnnd sein die land mittaeglich / so sein sie nit also heiß / wie sie gewonlich pflegen zu sein / vnd ist vihe vnd frucht sich

F212-011,13 er / vnd bringt guoten lufft / So Saturnus ab steigt / so merck / daß die land heissen mittaeglich / do das gebirg gekert ist gegen Mittag / so heis

F212-011,14 sen die mitnaechtlich / do das gebirg gekert ist gegen Norwegen / so heis

F212-011,15 sen die land auffgaenglich / do das gebirg gekert ist gegen dem auffgang der Sonnen / so heissen die vndergaenglich / do das gebirg gekert ist ge

F212-011,16 gen dem vndergang der Sonnen / vnd also merck / daß in den landen gegen mitnacht vil gewürmes wirt auff die zeit . Saturnus so der gehet in ein heissen zeichen / so macht er grosze hitz / so Saturnus gehet in der Sonnen herschafft / das ist von dem Lewen biß zum Wasserman / so macht er wasser vnd flute / so Satur

F212-011,17 nus aber gehet in des Mons herschafft / das ist vom Wasserman inn den Lewen / so ist er dürre vnd trocken . So Jupiter auff gehet in dem auff gehenden zeichen vnd in seim E

F212-011,18 piciclo / so macht er alle ding wachsen / vnnd ist er in ein zeichen / das menschenbild hat / so bezeichnet er erhoehung vnd wirdigkeit der men

F212-011,19 schen / fried vnd seligkeit / genuege vnd merung der ding die man brauch

F212-011,20 en sol gemeinlich / als Hali spricht / so ist er glückhafftig / daß alle ding beguetet vnd gesterckt werden in seiner wirckung . Mars so der ist Herr des jars / so wirt gemiltet die kelte des win

F212-011,21 ters in mitnacht / vnd dauon so werden die thiere vnd das vihe gester

F212-011,22 cket / so verre das Saturnus nit hinzuo sicht / vnd in dem somer vnd in heissen landen / so kompt zerstoreung des vihes vnnd der tiere / vnnd das geschicht aller meist so er auff steigt von dem mittel seins Epicicli / vnd dann so macht er gewoenlich krieg / vnd schnellen tod / vnd erstickung / so Mars ist in ein heissen zeichen / so macht er grosze hitz / vnd so er ist in ein feuchten zeichen / so mache er regen / vnnd so er ist in ein kalten zeichen / so wirt sein hitz gekrenckt / vnnd diß geschicht allermeist / so er ist in ein zeichen seiner schand / das ist im Krebs . Die Sonne verwandelt die vier theil des jars nach den Coniunctio

F212-011,23 nen vnd oppositionen / vnd nach den Aspecten der Planeten / warm oder kalt / Saturnus mit der Sonen im winter on Martis ansicht / oder Jupiters / mehrt kelt / Saturnus mit der Sonen im somer / min

F212-011,24 dert hitz / Saturnus wirckt krefftlich in kalten zeichen / vnd den herbst oder winter / vnd Mars in heissen zeichen in dem lentzen oder in dem sommer . Die Son im Steinbock mit Mars / es sei mit Aspect oder gegen

F212-011,25 wertigkeit / miltet den lufft / vnd macht Nortwind / dauon thier vnd some gesterkt wirt . Venus so der ist bei der Sonnen oder Dominus anni / so mehrt er feuchtigkeit vnnd regen in dem winter vnd in dem lentzen / vnnd aller

F212-011,26 meist wann er ist in dem vndersten theil seins Epicicli / vnd vff steigt / vnd gemeiner in dem sommer vnd in dem herbst trucken / vnd bezeich

F212-011,27 net füllerige vnkeuscheit vnd vppigs lieben . Mercurius so der ist bei der Sonnen oder regieret im jar / so veren

F212-011,28 dert er die zeit / vnd entreinigt sie mit dem wind vnd mit trucken / vnnd gibt subtile sinn / vnd sein bezeichnung ist manigfaltig . Der Mon ist in der ersten quarten warm vnd feucht / in der andern warm vnd trocken / in der dritten kalt vnd trocken / in der vierden kalt vnd naß / vnd in ein jeglichen Monate durch gehet er alle zeichen / vnd mischet die natur der Planeten mit der zeit / vnd miltet vnnd stercket den lufft / daß die thier vnd der some zuo krefftten komme / vnd des Mo

F212-011,29 nen wircken ist einen monat / aber der Sonnen wircken ist ein jar . Von dunckele / klarheit / vnd farb der Pla

F212-011,30 neten / vnd jren bedeutungen / in veraenderung des luffts . Nach disen dingen nim war den eingang der Sonnen in die iiij . zeichen / Widder / Stier / Wag / Steinbock / was zeichens dan vffgang Auch nim war der Coniunction oder opposition / die allernechst ist vor dem eingang der Sonnen in der iiij . zeichen eins / vnd merck do das vff gend zeichen / vnd das vndergehn im mittag vnd mitnacht in ein jeg

F212-011,31 lichen land / vnd die Planeten / die allermeist krafft haben in dem gra

F212-011,32 dus da das newe wirt / vnd nach dem richte dich / wann die Planeten frue oder zu nacht groesser scheinen oder klaerer / dann sie gewonlich pffe

F212-012,01 gen zu scheinen / es sei in vffgang oder in nidergang / so machen sie en

F212-012,02 derung in der zeit nach jrer natur / vnd in sonderheit so sie kommen in der iiij winckel einen . Der Mon oder der kreiß des Monen / ist der schwartz oder gruen / oder dick / so bezeichnet kalten lufft vnd regen / ist aber der Mon vnd der kreiß klar / vnd zergeht senfftiglich / das bezeich

F212-012,03 net karheit des luffts / vnd schoen wetter / item wenn zwen kreiß gehen vmb den Mon / das bezeichnet grosse kelte / item sein die kreiß zertheilt / vnd geneigt auff roete / so bezeichnet sie starcken wind / item sein sie trueb vnd dick / so bezeichnen sie kelt vnd wind / Zuo gleicher weiß thun auch das die andern Planeten / Item sein die vij . sternlin die man nen

- F212-012,04 net die Huenlin / vnnd auch die anderen grossen Sternen klar vnnd dick / das bezeichet vil regens / sein sie aber klar one zwitzern / so bezeichnen sie schoen wetter / zwitzern sie aber / so bezeichnen sie grossen wind in dem somer / vnd kelt in dem winter / Merck / wann in den lufften feu
- F212-012,05 rin fünckel vff vnd nider faren / als weren es sternlin / so man das sihet das bezeichet alwegen trocken . Jtem so die sternnen schiessen / das be
- F212-012,06 zeichnet wint vnd trocken wetter / Jtem so der himel rot ist in der nacht mit klarem lufft / das bezeichet sterben / Jtem der regenbogen in schoe
- F212-012,07 nem lufft bezeichet kelte / im regen bezeichet er warm vnd schoen / das merck auch / daß der regenbogen nit wirt vber xlvil grad hoch / vnd er hat sein rote farb vom fewer / sein weisse farb von der erden / sein gruene farb von dem lufft / vnd die blaw farb von dem wasser / so die Sonne gehet in Widder / ist dan Saturnus in eim kalten vnd feuchten zeichen so bezeichet er vil regens das jar / ist er in eim zeichen das warm vnd feucht ist / so bezeichet er kelt vnd nebel / vnd vil gewülckens / vnd ist Venus vnd Luna dann bei jm / so reget es gar fast / Jst Jupiter in kalten vnd nas
- F212-012,08 sen zeichen / so bezeichet er senffte regen die nit schaedlich sein / vnd mehr schoen dann regen / vnd bezeichet Nortwind / item Mars bezeichet hitz vnd Sudwind / item Venus bezeichet regen / item Mercurius wind / vnd der Mon regen oder schoen oder wind / nach des natur bei dem er ist oder den er an sicht / Jtem die Son so die ist am hoechsten / vnnd sie kein Planet irret / so macht sie schoen wetter / so sie aber ist an dem ni
- F212-012,09 dersten in dem winter / so macht sie regen oder schne / Jn dem eingang der Sonnen in Widder oder in die Wag / ist dann Mars in seim eigen hauß / so macht er vil regens / ist er in Saturnus hauß / so macht er we
- F212-012,10 nig regens / in andern zeichen ist er mittelmæssig / Jtem so es neue wirt oder der Mon vol ist / oder vol wirt / allernechst vor dem eingang der Sonnen in Widder oder in die Wag / sihet dann Mars hin zuo von den iiij . zeichen oder von dem vij . zeichen / so macht er blix vnd donder vnd schaedlich regen / Jtem die coniuntz oder oppositz vor dem eingang der Sonnen in Widder / sihet dann der Mon zun ersten an Saturnun vnd ist Saturnus vnd der Mon in feuchten zeichen / vnnd ist Jupiter nit dabei / so macht er kleinen regen der lang weret / vnd schwartze wolcken sehen aber die vndersten Planeten auch da zuo / so wirt der regen groesser vnd weret lenger / Jn reuolutione anni / das ist / wenn die Sonne geht in Widder oder in die Wag / sein dan die vndersten iij . Planeten in feuch
- F212-012,11 ten zeichen / so machen sie vil regens / ist Mars zuo der zeit in Angulo terre / das ist / do die Son zuo mitternacht stehet in eim jrdischen zeichen vnd ist Mer c . bei jm / oder iiij . oder vij . zeichen von jm / so macht er erdt
- F212-012,12 bidem vnd entwegung des luffts / ist aber Mars in eim fewrigen zeichen vnd in Angulo terre mit Mer . so macht er grosse hitz / die schaden bringt So Mars gehet in diser iiij . zeichen eins / Wider / Krebs / Wag vnnd Steinbock / sihet dann Venus den Mon an / vnnd gehet der Mon zuo Mars in eim feuchten zeichen / das macht vil regens / ist aber Venus vnd Luna nit in feuchten zeichen / so ist s mittelmæssig / Jm anfang des jars sihet dan der Mon Venus oder Mercurius an / vnd sein sie beide auff
- F212-012,13 genglich / das ist daß sie morgens vor der Sonnen vff gehen / das bringt vil regens / sein sie aber nidergenglich / daß ist so sie des abents nach der Sonnen vnder gehn / so bringt sie schoen wetter / Jm anfang des jars / fellet dan der Mon von Mars / so regnet es am selben tag / in reuolu
- F212-012,14 tione anni / das ist im anfang des jars / ist dann Mars Scorpion / vnd sihet Venerem an / das macht vil regens / so die Sonne ist im Wid
- F212-012,15 der oder Stier / geht dan Venus hinder sich / so wirt der Lentz gar naß mit vil regens / so der Mon ist bei Venus oder Mercurius in eim feuch
- F212-012,16 ten zeichen / das macht regen / so der Mon ist im Scorp . vnd Mors in Widder / das bringt regen / so der Mon vnd Mars sein in eim feuchten zeichen / vnd sihet Mercurius oder Venus die Son an / das macht greu
- F212-012,17 selich wolcken / blix / donder vnnd hagel / so der Mon geht in Wasser
- F212-012,18 man oder in Fisch / so betruet er den lufft / so Mercurius ist vnder der Sonnen schein / das ist viij . gradus vor oder nach der Sonen / vnd der Mon im Scorp . vnd Mercurius an sihet / das macht regen / so Venus ist im Scorp . vnd gehet zuo Mars angesicht / das macht regen / so die Son vnd Venus / Merc . vnd Luna beieinander sein / das macht vil re
- F212-012,19 gens / so der Mon ist im Scor . vnd Mars im Stier / vnd die Son im Wass . an dem tag regnet es / so die Son geht in Wag / vnd Venus bet der Sonen ist bei xij . gradus vor oder nach / das bringt regen / vnd noch mehr ob Venus ist nidergenglich / bringt mehr regens / Jn der coniuntz oder oppositz ist dan Venus in der iiij . angel eim / das bezeichet regen / an dem tag vnd an der stund so der Mon ist in eim feuchten zeichen vn
- F212-012,20 der der erden / vnd gehet zuo Venus oder Merc . mit angesicht oder in eim hause / so regets / vnd wert der regen biß er vberkompt / so der Mon ist in der oppositz der Son / oder mit Venus in Fisch / Widder / Wag / oder im Scor . das macht blix vnd doner / so Venus geht in Krebs / das macht regen / so Saturnus / Jupiter vnd Mars beieinander in eim zeichen sein das macht regen / so der Mon geht zuo der Son / das macht wolcken / ist Venus darbei / so sein die wolcken weiß / vnd reget senfflich / vnd bringt auch senfften wind / ist Mercurius darbei / so sein die wolcken mancher

- F212-012,21 hand / nu rot / nu schwartz / dan geel / dan bleich / ist Satur . dabei / so sein die wolcken schwartz / ist Jupiter dabei / so sein die wolcken weiß / ist Mars dabei / so sein sie rot / so der Mon ist bei eim Planeten der hinder sich geht / ist dan der Mon auch vnden an seim Epicickel / oder nimpt er zuo an seim schein / das bezeichnet regen . Die zwoelff Centra des Monen . Es sein zwoelff Centra des Monen / das erst ist so er ist bei der Son
- F212-012,22 nen / das es Newe wirt / das ander ist / so er zwoelff gradus ist gegangen von der statt do das newe ward / Das drit ist / so er xxx . gradus ist von der Coniuntz / das vierd ist xl gradus / das fünfft ist xlv . gradus / das sechst ist xlvij . gradus / das sibend ist so die oppositz ist / vnnd als es ist von der Coniunctio gewesen / also ist es auch von der oppositz an den stetten . Nim des Monen war / ob er in feuchten oder in trocken zeich
- F212-012,23 en sei oder in mittelmessigen / vnnd bei welchem planeten er sei / oder wen er an sicht / vnd darnach vrtheile das wetter . Von auffschliessen der porten der Planeten . Nim auch zuo den selben zeiten / ob ein port vff sei gethon / Diß heißt ein auffschliessen der porten / so der vndersten Planeten einer zuo dem obesten gehet / vnd jr heiser wider einander sein / als so die Sonne gehet zuo Saturnus / oder der Mon gehet zuo Saturnus vnd Mercu
- F212-012,24 rius / vnd zuo Jupiter / vnd zuo Venus / vnd zuo Mars / vnd darumb wan die Sonne gehet zuo Saturnus / so gehet ein port auff / wann Mercu
- F212-012,25 rius gehet zuo Jupiter / so gehet ein port auff / so Venus geht zuo Mars so gehet ein port auff / Merck auch / daß ein auffschliessen der porten ist / so der Mon gehet von der Sonnen zuo Saturno / oder von Mer
- F212-012,26 curio zuo Jupiter / oder von Venus zuo Mars / also daß kein ander Pla
- F212-012,27 net den Monen do zwischen an sicht / oder daß auch kein Planet bei dem obersten odder bei dem vndersten sei mit gegenwertigkeit / odder mit angesicht / der das jrre . Van krafft der Planeten . Zu gleicher weiß als du lugest vor dem eingang der Sonnen inn Widder / in der Coniuntz oder in der oppositz / welcher Planet mehr krafft habe in Ascendente / also solt u auch lügen in der Coniuntz oder oppositz / vor dem eingang der Sonnen in den Krebs vnd in die Wag vnd in den Steinbock / vnnd welches gleiche ist allermeist dem ersten im Widder / das meret die bedeutung / welches aber vngleich ist / das mindert die bezeichnung in der Quarten / Auch magst u lügen in der Coniunctio oder oppositio / vor dem eingang der Sonnen in ein jeg
- F212-012,28 lich zeichen / vnnd misch ein krafft mit der andern / so findes tu das du suchest / doch vor allen dingen ist ein Planet in Ascendente / dan nim kein andern / was planeten du nun findest des bezeichener ist / so nim war ob der guot sei oder boeß / Saturnus vnnd Mars sein boeß / die an
- F212-012,29 dern sein guot / Mercurius ist guot mit den guoten / vnd boeß mit den boe
- F212-012,30 sen / Nim auch war / ob der bedeuter vff steige oder ab / in seim Epici
- F212-012,31 kel / dann steigt er vff / vnd ist damit boeß / das bezeichnet / daß die ding die man braucht zuo notturfft / als korn vnd wein / vnd des gleichen / das wirt tewer vnd wert / steigt er aber ab / so ist es nit also wert / nim auch war / ob der Mon zuo nem an dem licht oder ab / nimpt er zuo / vnd tregt der boesen Planeten krafft / so sein die ding wert / nimpt er ab / so sein sie nit also wert / Merck auch / ist Saturnus vnd Jupiter an dem anfang des jars beieinander in eim fewerigen zeichen / so werden die ding tewr vnd wert / sein sie aber beieinander in eim lufftigen zeichen / als Wag / Wasserman vnnd Zwilling / so sein die ding nit also tewer vnd wert / vnd der selben einer in eim fewerigen zeichen / vnd der ander in eim luff
- F212-013,01 tigen zeichen / so sein die ding vermischet / welcher dann allermeist wir
- F212-013,02 digkeit hat in dem zeichen do er inne ist / des krafft gehet für / Man sol auch lügen / ob das zeichen do Saturnus inn ist im anfang des jars / welch statt oder welches land dem zeichen gleich / in dem land oder in der stat / erzeugen sich dise ding / Merck auch / sein die vndersten plane
- F212-013,03 ten in dem herbst / vnder der Sonnen schein / so machen sie nebel / vnd kelte vnd feuchtigkeit / in dem winter vnd in dem lentzen aber wind vnd wolcken / vnd in dem somer hitz vnd groß wetter / donder vnd blix / ist Saturnus vnd Jupiter / vnd die Son vnd Venus vnd der Trachen
- F212-013,04 schwantz in dem winter beieinander / so machen sie groß wasser / dauon schaden geschicht / sicht Mars die Son an in dem lentzen oder im som
- F212-013,05 mer / vnd gehet hinder sich / so macht er donder vnd blix / vnd groß wet
- F212-013,06 ter / vnnd geschicht es so Venus gehet zuo Mars angesicht / oder so der Mon geht von Venus angesicht zuo Mars angesicht / ist Mercurius dabei / so bringet er wind vnd regen mit grossen tropffen / so die Sonn geht in den xvij . grad Scorpions / ist dan Venus in eim feuchten zeich
- F212-013,07 en / so regnet es daß die wasser wachsen / so die Son in eim feuchten was
- F212-013,08 serigen zeichen ist / geht dann Venus vnd der Mon zuo der Sonnen / so reget es / Item so Venus in dem winter ist vffgaenglich / vnd gehet für sich / so ist in dem auffgang des winters wenig regens / vnnd an dem ende des winters vil regens / Es sei dann / daß Jupiter vnnd Mars nahe bei der Sonnen sein / Item so die Son im summer ist in Mars herschafft oder wirdigkeit / das mehret die hitz / vnd in dem winter min
- F212-013,09 dert es die kelte / in dem herbst vnnd in dem lentzen macht es trocken / Saturnus vnnd Mars die sein trocken / so die zusammen kommen in den Krebs / vnnd die Sonne vnd der Mon sie an sicht / oder bei jn ist / das bezeichnet trocken vnd durre in aller welt . Von wirdigkeit vnnd erhoeung eins Pla
- F212-013,10 neten vber den andern / vnd was solchs bedent . Von erhoeung Veneris . So Venus ist erhoecht vber

Mercurium / so ligt einer dem andern ob / vnnd so Venus ist erhoecht vber den Mon / so sein die leut froelich / vnnd ist das gethoen suesse / so Venus ist erhoecht vber Martem / so sein die frawen fruchtbar / vnd geschicht den leuten wee in dem magen von vberflüssigkeit der speiß vnd des trancks / so Venus ist erhoecht vber die Sonne / so sein die leut milt vnd geben fast auß / so Venus ist erhoecht vber Jouem / das bezeichet guot zeit / so Venus ist erhoecht vber Satur

F212-013,11 nus / so bringt er den krampff / krimmen vnd gesücht . Von Jupiter . So Jupiter ist erhoecht vber den Monen / so gehen die Edeln für / vnd wachsen in tugent vnnd in ehren / wenn Jupiter ist erhoecht vber Mercurium / so gehet es der Herren amptleuten wol / die haben dann von jren Herrn nutz / lob vnd ehr / so Jupiter ist erhoecht vber Marten / das bringt siechtag vnnd kranckheit / so Jupiter ist erhoecht vber Sa

F212-013,12 turnus / das bezeichet traurigkeit / schmerzen vnd weynen / so Jupiter ist erhoecht vber den Trachenschwanz / das bezeichet zerstoreung et

F212-013,13 licher gebewe / Wenn Jupiter ist erhoecht vber ein Cometen / so gehet es den Edeln nit wol . Von Mars . Wann Mars ist erhoecht vber Mercurium / das bezeichet krig / streit / schlagen vnd stechen / so Mars ist erhoecht vber den Monen / das bezeichet erdtbidem / vnd wenn Mars ist erhoecht vber Jouem / so stellen sich die Edeln vff waffen / vnnd gedencken wie einer den an

F212-013,14 dern toedt / so Mars wirt erhoecht vber Saturnus / das bezeichet nit vil vbels / vnnd wann Mars wirt erhoecht vber den Trachenkopff / das bringt groß hitz . Von der Sonnen . So die Sonn wirt erhoecht vber die andern Planeten / das bezeich

F212-013,15 et nit vil guots / on allein vber Mercurium . Von dem Mon . Wan der Mon wirt erhoecht vber Mercurium / das bezeichet / daß die leut sein von guoten sinnen vnnd von guoten rath / wann der Mon ist erhoecht vber Venus / das bezeichet daß die Edeln vnd die reichen / vnd die frawen zuo nemen an ehren vnd an guot / so der Mon ist erhoecht vber Jouem / das bezeichet daß die Künig vnd die grossen Herren zuo ne

F212-013,16 men in ehren vnd in gewalt / wan der Mon wirt erhoecht vber Mar

F212-013,17 tem / das bezeichet brand vnd bluotuergiessen / wenn der Mon wirt er

F212-013,18 hoecht vber Saturnus / das bezeichet verreterei / mord / vnd boesen wil

F212-013,19 len / wann der Mon wirt erhoecht vber den Trachenkopff / das be

F212-013,20 zeichnet daß die bronnen wenig wassers haben / vnnd wenn der Mon wirt erhoecht vber den Trachenschwanz / das bezeichet sterben vnder den menschen oder des vihes / vnnd wenn der Mon wirt erhoecht vber ein Cometen / das bezeichet schaden an guot / vnd wann das geschicht vnder der Sonnen schein / so bedeutet es alles vbel vnd schaden . Von Mercurius . Wann Mercurius wirt erhoecht vber den Mon / das bezeichet freu

F212-013,21 de / vnd daß die menschen wunderlich werck machen / vnd wenn Mer

F212-013,22 curius erhoeht wirt vber Venus / das bezeichet daß die menschen sich vnderwinden der schwartzen kunst / vnnd wenn Mercurius wirt er

F212-013,23 hoecht vber Jouem / das bezeichet daß die Künig sich meren / vnd die Edeln in vermüglicheit vnd in ehren bleiben / vnnd wann Mercurius wirt erhoecht vber Martem / das bezeichet daß die leut forchtsam sein vnnd wenn Mercurius wirt erhoecht vber Saturnum / so betreugt je einer den andern / vnd wenn Mercurius wirt erhoecht vber den Trach

F212-013,24 enkopff / das bezeichet daß vil moreder offenbar werden / vnd wen Mer

F212-013,25 curius wirt erhocht vber den Trachenschwanz / das bezeichet daß die leut sich selbs verspotten / vnd je einer den andern / vnnd wann er vber ein Cometen erhocht wirt / bedeut daß die besten vnd die reichsten er

F212-013,26 stochen werden . Von erhoechung des Trachenkopff . Wann der Trachenkopff erhocht ist vber die Sonn / so bedeutet es schaden / vnd wan er erhocht ist vber Venerem / bedeut guotes vnd auch besserung in der frawen ampt / vnd der Junckfrawen / vnd frolicheit / vnnd wenn es erhoecht ist vber Mercurium / bedeut daß die menschen sich vnderwinden zu bauen heuser / vnd festen vnd doreffer / vnd stett / oder aber zerstoreung / vnd wann der Trachenkopff erhoecht wirt vber den Mon / bedeut schaden in farendem guot / vnd wann es erhoecht wirt vber Saturnus / bedeut es daß sich krieg erheben / vnd daß die leut nach waffen stellen / erhoecht vber ein Cometen / bedeut vil vngewitters . Von erhoechung des Trachenschwanz . Der Trachenschwanz erhoecht vber die Sonn / bedeut viel boeses vnd traurigkeit / erhoecht vber ein Cometen / bedeut schaden in der fra

F212-013,27 wen ampt . Von erhoechung der Cometen . Ein Comet erhoecht vber Venerem / bedeut minderung vnd abne

F212-013,28 mung der Wasser / erhoecht vber Mercurium / bedeut schaden vnd zer

F212-013,29 storeen in den jungen leuten / erhoecht vber den Mon / bedeut schaden vnnd zerstoreung in allen dingen / erhoecht vber Saturnum / bedeut kranckheit die groß vnd starck sein / erhoecht vber Jouem / bedeut daß die Edeln erstochen werden / erhoecht vber Martem / bedeut daß die menschen sich vnderwinden waffen zu haben / vnd beschicht vnder jn grosse niderlegung / erhoecht vber des Trachenkopff / so werden die koestlichen vnnd die Edeln erstochen / erhoecht vber den Trachen

F212-013,30 schwanz / so geschicht grosser verlust vnd zerstoreungen in den beumen / erhoecht vber Mercurium / bedeut daß die menschen vndereinander kriegem mit grosser vntrewe . Von erhoechung Saturni . Saturnus erhoecht vber den Mon / bedeut daß geschehen schent

- F212-013,31 liche sitten inn den menschen / erhoecht vber den Jupiter / bedeut / daß die Edeln erstochen werden vnd die hohen / erhoecht vber Marten / be
- F212-013,32 deut guots vnd besserung in allen dingen / erhoecht vber den Trachen
- F212-013,33 kopff / bedeut den Edeln guot freud vnnd froelichkeit / erhoecht vber den Trachenschwanz / bedeut guotes den armen vnnd dem kleinen volck / erhoecht vber Veneren / bedeut daß die menschen sich vnderwinden in meisterlichen dingen / in gemaelts vnnd des gleichen . Dise Judicia vnd vrtheil die wir gesagt haben / die werden iudicirt von den Plane
- F212-013,34 ten / wann einer vber den andern erhaben ist / oder daß einer dem an
- F212-013,35 dern zuo gefuegt wirt / vnd wann ein schein vber den andern fellet . Von Coniunction vnd zusammenfuegung der Planeten vnd jren bedeutungen . Wann Venus mit Marte zuo gefuegt wirt im vmblauff des jars / so beschicht zuo Rom vnnd in dem land schwere geschicht / Venus bei Jupiter / bedeut grosse gebresten brots vnnd aller speiß / Mercurius bei Saturno bedeut gebresten der kirchen vnd der beizeichen / Mars mit Jupiter bedeut der Künige todt von den gebresten / vnnd bedeut viel egdessen / Mercurius mit Marte / so geschicht gern vbels / Ju
- F212-013,36 piter mit Saturno / bedeut den todt des Königs der allermchtig
- F212-014,01 sten in der welte / Mercurius mit Mon / bedeut in den menschen ge
- F212-014,02 bresten vnd den todt / Wann Luna Saturnus eclipsiert vnd bedeckt / so stirbt der mechtigste König im nidergang / Der Mon mit Vene
- F212-014,03 re oder mit Joue / vnnd das Venus seinen schein gibt vber den Mon / so fellet den menschen zuo grosse reichthumb vnd besserung / vnd so sich Luna verbirgt vor Venere / also daß er keinen schein gibt / so bedeutet es den todt eines Königs in auffgang / vnnd wann dise Coniunction ist mit Joue / so ist ein erschoecklich leben auff erdrtrich in Occident / wann Jupiter vnd Mars in ein zeichen ist / so ist der König in scha
- F212-014,04 den also lang biß er wider gehet lxxv . tag vnd nacht . Venus bei Sa
- F212-014,05 turno geschicht grosse forcht in Orient / wann Mars ist in dem haup
- F212-014,06 tern seiner wonung / odder in seinem mittel / das bedeut daß die Kü
- F212-014,07 nig vndereinander sich erstechen / inn dem theil der erden / do Mars stehet / vnd ist es daß Saturnus hat dise constallation die wir vor ge
- F212-014,08 sagt haben / so bedeutet es grosse armut / wann Mars ist in dem mit
- F212-014,09 tel Algelihe oder in Mulione / das sein stern also geheissen / so bedeut es armut vnd angstbarkeit / vnd wann Mars ist in dem mittel Ada
- F212-014,10 nandam / so bedeutet es doetlichkeit . Wann Jupiter sich thut zuo Saturno von dem iij . oder vj . so be
- F212-014,11 zeichnet es daß die gesetz predigen / vnd die do gesetzt vber die heimlichen ding der König die werden geert / vnd ist es / daß der aspectus ist von dem iiij . so bezeichnet es widerspenne die wider den König sein / vnnd bezeichnet viel verenderung in des Königs ampt / vnnd auch gleicher weiß der gesetz / vnnd ist es daß diser iiij . aspectus ist von seim x . so be
- F212-014,12 deutet es vil krieg vnd mißhelle / vnnd krieg vnder den Königen / vnd ist es daß der aspectus ist von der gegenwertigkeit / so bezeichnet es vil krieg vnder den menschen vnd vnder den Königen / eines wider den an
- F212-014,13 dern / vnd bezeichnet vil wolcken . Wann Mars sich zuo fuegt mit Saturno / so thut je einer dem an
- F212-014,14 dern vntrewe vnd betriegung / vnd geschehen vil wunder / vnd geschicht auch dem König hinderung vnd arbeit / von den menschen in dem er
- F212-014,15 tricht die wider jn sein / vnd wan Mars Saturno sich zuo thut von dem iij . oder dem vj . so bezeichnet es arbeit vnd schaden in der menschen sach vnd in des Königs guot vnd in seinen gesetzen / vnd ist es daß diser aspe
- F212-014,16 ctus ist von dem iiij . so bedeutet es vil dieb vnd moreder offenbar / vnd ist es daß dise vier ist von dem x . so geschicht vil angstbarkeit vnd vbels / von des Königs wegen / wann die seinen jm vngehorsam sein / vnd ist es daß die applicatio ist von der oppositio / bedeut es daß die menschen vndereinander / nit einhellig sein vnd hassen einander vnd zeucht sich je einer von dem andern . Die Sonn mit Saturno bedeut daß luegen vnd bedrueglicheit in den menschen ist / vnd ist es das jm zuo gefuogt wirt / von dem et . oder sech
- F212-014,17 sten daß der Koenig arm wird / vnd jm ist not daß er sich mit seinem volck vertrage / vnd ist es das sein Application ist / von dem x . vnd daß sie ist von seinem x . hause / das bezeuhet daß die Koenige in jren dingen machen heimliche werck / vnd ist es daß er von seinem x . ist / das bezeuhet das dem Koenige grosse angstbarkeit vnd erbt zu fellet / vnd ist es das diser Aspectus ist von der Opposition / so bezeuhet es / das die Koenige widerwertig seind den Geistlichen / vnd das sie von der welt gescheiden werden . Venus mit Saturno bedeut das die kinder die dann geborn seind / die gewinnen angstbarkeit vnd trawrigkeit / vnd wird ein boeß jar / vnd sonderlich in Egypten / do werden vil mißhelle vnd krieg / vnd die wasser werden vol edeler gestein / vnd ist diser aspectus von der iij oder vj . so bezeuhet es schaden in den schwangern frawen / Denn sie gros
- F212-014,18 se arbeit haben / vnd ist es daß dise Application ist von dem x . vnd das sie ist von jrem x . hause / das bezeuhet aber / das die weiber krieg vnd arbeit haben mit jren mannen / vnd sie auch vnder jn / vnd ist es das es ist / von seinen x . so bezeuhet es das den weibern hinder sich geht / alle ding die sie begeren wider jhren willen / für

Künigen oder für jren Herren in allen jren sachen vnd haben auch vil vnfalles / Es werden auch alle ding verderben die jren influ haben von Venere / als spoet

F212-014,19 tern vnd deßgleichen / die von der natur Veneris sind / vnd ist es das die Application ist von der Opposition / so bezeuhet es das die weiber krieg haben vnd vil geschafft mit jren mannen . Mercurius mit Saturno bedeut das die leute sich vnderwinden der schwartzen kunst / vnd geucherei / vnd geschehen auch hinderung den schreibern / dann sie werden geschnoedet / vnd ist es das er applicirt wird / von dem iij . oder vj . bedeut das die leute die bei dem Kuenige wo

F212-014,20 nen / sich vnderwinden buecher zu lesen / vnd ist es das dise application ist von dem iiij . vnd von seim iiij . hause / bedeut das die heimlicheit der schwartzen kunst vnd der geucherei verborgen werden / vnd ist es daß er von seinem x . hause ist / bedeut das vil buecher verborgen wer

F212-014,21 den / vnd daß sich die leute vnaerwinden schwartzen kunst / vnd ist es daß dise application ist von der oppositio / bedeut daß die menschen falscheit ueben / vnd daß die buecher gefelschet werden . Der Mon mit Saturno / bedeut in den dingen vil arbeit vnd traw

F212-014,22 rigkeit vnd schaden der menschen in kerckern vnd deßgleichen / vnd verderbung der beume / vnd der thiere / vnd grosse wasser / vnd ist es das er applicirt wird / von dem iij . oder vj . bedeut falsche gezeugnis vnd schlege vnd kercker / angstbarkeit vnd trawrigkeit / vnd darumb so wirt Colera bewegt / vnd werden groß trawrigkeit vnd verderben vil stet

F212-014,23 te / vnd bew / vnd die frawen bringen vil todter kind / vnd wird groesser schne / dauon vil leute verderben / vnd die leute pflanzen gern vnd bau

F212-015,01 went / vnd graben gruoben vnd graben / vnd ist es das die applicatio ist von dem iiij . vnd von seinem iiij . hauß / do haben die leute vil traem von forechten vnd erschreckliche ding von melancolischer manyr vnd deßgleichen / vnd ist es das er ist von seinem x . so geschehen den Küni

F212-015,02 gen vnder den mechtigen mißhellung vnd krieg / vnd werden viel ge

F212-015,03 fangen vnhelligkeit halb der Könige / vnd geschicht grosse forchte dauon / Vnd ist es das er ist von der application / bedeut es das die menschen werden haben trawrigkeit vnd arbeit . Mars mit Joue das bedeutet vil kriege / vnd vil wunden vnd schle

F212-015,04 ge / vnd den gebresten vnder toedtlichkeit oder starckheit in dem theil der erden / do sie zuosamen gefueget werden / Es werden auch koestliche Thier mit mancherlei farbe in dem luffte erscheinen / vnd in dem an

F212-015,05 fang der zeit / wirt es vast genugsam inn speißung / Es bedeutet auch eins Königes todt in dem selben theil / vnd ist es das er applicirt wirt / von dem iij . oder vj . bedeut kriege handlung halb der gesetzte / vnd ist es das es geschicht von dem iiij . bedeut das vil widerspennig werden / vnd erschrecklich leute / moreder vnd deßgleichen / vnd ist es das die applica

F212-015,06 tion ist / von der opposition so geschicht in den leuten vil wunders / al

F212-015,07 so das einer den andern diepstal zeihet / vnd der König thuot viel lei

F212-015,08 des vnd boeses dem volck . Die Sonn mit Joue bedeut das die gerechten menschen verlorn werden / vnd die Richter / vnd geschicht schaden in den gesetzten / vnd ist es das er applicirt wirt / von dem iij . oder vj . bedeut das die gesetzte vnd weißheit wirt erscheinen vnd offenbar / vnd die weisen werden geert / vnd aller meist die gesetzte / vnd ist es das die application ist von dem iiij . vnd von seinem iiij . bedeut das die Richter gerecht gericht besitzen / Vnd ist es dann von seinem x . bedeut das erscheinen wirt / vnd geof

F212-015,09 fenbart das recht vnd die gerechtigkeit / vnd ist es das dise applicati

F212-015,10 on wirt von dem aspect / bringt viel gerechtigkeit vnd wolgefelligkeit in den leuten . Venus mit Joue bedeut den weibern keuschheit vnd das sie guote statt haben in jren ampten / vnnd specerei wirt wert vnd auch tewer vnd in den stetten des theils der erden do diß geschicht / werden guot spei

F212-015,11 sung vnd gnug / vnnd die weiber werden warhafftig vnnd keusch mit jren mannen / sie werden auch reich / vnnd ist es daß dise applicatio ist von dem iij . oder vj . bedeut daß die weiber die gesetz lieb haben / vnd sie auch halten / vnd erzeugen jren mannen einen guoten statt / vnnd ist es das diser aspectus ist von dem iiij . vnd vij . bedeut daß der König wei

F212-015,12 ber guot werck begehen . Mercurius mit Joue / bedeut daß die menschen begeren zu wissen kunst / schreiben vnd weißheit / gesetz vnd heimliche ding / vnnd ist es / daß dise coniunctio ist in jr scheidung von Marte / bedeut den gebresten vnd grosse hitz in dem lufft / vnd ist es daß er applicirt wirt von dem iij . oder vj . bedeut das die menschen vil schlaege vnd haendel haben / vnd das gesetzte / vnd ist es das dise applicatio ist von dem iiij . vnnd daß sie auch ist von jrem iiij / bedeut das vil sachen vnd krieg geschicht vnder den weisen der gesetz / wann sie die gesetz bedencken vnd die heimlicheit / vnnd ist es daß er ist von seinem x . bedeut daß die König begeren viel zu wissen / vnd erforschen das / vnd haben buecher lieb / vnd die weiber / vnnd ist es / daß dise applicatio ist von der opposition / bedeut sie daß die menschen vndereinander zweifelich leben . Der Mon mit Joue / bedeut daß die menschen sich fast vnderwin

F212-015,13 den in künsten / vnd gesetzte zu predigen / vnd kirchen zu bawen / vnd die gesetz zu erforschen / vnnd ist es daß dise aplicatio ist von dem iij . oder von dem vj . bedeut daß die gesetz geoffenbart werden / weißheit vnd pro

- F212-015,14 phezeien / vnd ist es das dise applicatio ist von dem iij . vnd von seinem iij . bedeut daß die menschen die gesetz verbergen / vnd ist es dann von seinem x . bedeut daß die hohen erhoecht werden vnd geehrt / vnd kirchen / vnd Gotsheuser gebawen werden / Vnd ist dise applicatio von der op
- F212-015,15 positio / bedeut vngewonheit in den gesetzen . Die Sonne mit Marte / bedeut vil krieg vnnd erschroeklich ding / in Orient / vnnd ist die applicatio von dem iij . oder vj . / bedeut daß die König gerechtigkeit lerent / vnd richten nach rechten gesetzen / vnd ist dise applicatio von dem iij . oder von seinem iij . bedeut daß in den menschen wenig rede ist / dann sie verhelen jr ding / vnnd ist er von sei
- F212-015,16 nem x . bedeut daß die König vngleich gericht füren / vnnd geschehen auch brend in dem lufft vnd in allen wachsenden kreutern vnnd beu
- F212-015,17 men / vnd ist es daß die applicatio ist von der oppositio / bedeut vil er
- F212-015,18 schroeklich krieg . Venus mit Marte bedeut vil vnkeuscheit in den weibern / vnd daß der Roemer König stirbt / vnd geschehen jn auch vil arbeit vnd armut / Vnd ist es daß er applicirt wirt von dem drei oder sechs / bedeut vil kin
- F212-015,19 de / vnd daß die weiber leichtlich geben / vnd ist es von seinem vierden / so bedeutet es vil vnkeuschheit vnd bulerei vnder den weibern vnd man
- F212-015,20 nen heimlich / vnd ist er dann von seinen zehenen / bedeut das die wei
- F212-015,21 ber bedeckt werden von vnkeuscheit / in vil leids von dem König / vnd ist es daß die applicatio ist von der oppositio / bedeut das schaden ge
- F212-015,22 schicht den vnkeuschen . Mercurius mit Marte bedeut daß die leut falsch müntz machen / vnd die weisen werden geschmehet / vnd werden vil betrieger vnnd fal
- F212-015,23 sche leut / vnnd ist es daß dise applicatio ist von dem dritten oder sech
- F212-015,24 sten / bedeutet daß die leut sich Alchamie vnderwinden / vnnd in allen dingen die mit fewer zuo gehn / vnd ist es daß die applicatio ist von dem iij . vnd von seinem iij . bedeut Alchamien vnd waffen heimlich / vnnd ist er dann von seinem x . so haben die König edelgestein lieb / vnd vn
- F212-015,25 derwinden sich meisterschaft / vnd ist es daß die applicatio ist von der oppositio / bedeutet daß vnder den menschen werden betriegung vnnd falscheit / vnnd beschehen auch vil diebstal vnd erstechung / vnnd des gleichen . Der Mon mit Marte / bedeut falsche meren vnnd blutuergiessen / vnd vil lügen / vnd werden vil grawer leut / als die wolff / vnd so die ap
- F212-015,26 plicatio von dem iij . oder vj . bedeutet minderung der gesetz / vnd bedeu
- F212-015,27 tet auch fleischs in herbergen / vnd des gleichen / vnd ist die applica
- F212-015,28 tio von dem iij . vnnd von seinem iij . bedeut daß der künig die seinen nider truckt / vnnd ist er von seinem x . bedeut falscheit / vnnd viel er
- F212-015,29 stochenlicheit . Venus mit der Sonnen / bedeut vil schadens vnd arbeit an schwan
- F212-015,30 geren frawen / vnd ist es daß Mercurius ist mit der Sonnen / bedeu
- F212-015,31 tet daß die leut verbergen weißheit vnnd kunst / es bedeutet auch viel knecht vnd gefangen / vnd daß auch grosser schad geschicht in Alcha
- F212-016,01 mie / vnnd ist die applicatio von seim iij . oder vj . bedeut daß die edeln wert werden / vnnd ist er von seim iij . bedeut arbeit in vielen dingen / vnd auch schaden / vnd ist er dann von seinem x . bedeut daß die heim
- F212-016,02 lichen verdeckt werden / vnd die gebot der König / vnd ist es daß sie sein von der oppositio / so bezeichnet sie vnhelligkeit / vnd vil mißhellung . Mercurius mit Venere / so werden die heimlichen ding verborgen / vnd sonderlich brieffe vber guot / vnd thun auch die menschen schnoede ding / vnd haben auch vil freud mit den weibern / vnd ist es daß er ist von seinem vj . bedeut lieb vnd bulerei der weiber vnnd der menschen / als daß sie einander bulenbrieffe schicken / vnd des gleichen . Der Mon mit Venere bedeut / daß die menschen sich vnderwinden singes vnd lasters / vnnd haben auch wol schmackende ding lieb / als spetzerei / vnnd ist es daß er ist von dem dritten oder sechsten / so vnder
- F212-016,03 winden sich die menschen gackelei / vnd wandlen gern / vnd ist er dann von dem vierden / vnd von seinem vierden / so bedeut es ehelich gemech / dann die weiber begeren es heimlich / vnd ist er von seinem zehenden / bedeut schnoede that / vnd ist er dann von der opposition / so haben die weiber gnugsamkeit mit jren mannen . Alle dise coniunctiones vnd applicationes die wir gesagt haben von den Planeten / wann die geschehen im anfang des jars / so werden er
- F212-016,04 scheinen vnd jn zuo gegeben jr bezeichnung / vnd wenn sie sunst erschei
- F212-016,05 nen / so haben sie nit also grosse krafft noch macht / als in der reuolu